



05326



子自癸亥請假歸田將謂杜門終老顧未能也甲子一
遊閩海乙丑再過皖江迄于丁戌西湖三四至焉其餘
則皆小園高臥之日矣雖山水情深苦無濟勝之具是
以行行且止若筆墨之事久欲束之高閣而叩門問字
者勚之不已每令閨人婉辭曰先生倦矣毋恩乃公爲
也然或親戚故舊不得已而應之間有以酒錢相貽者
亦復欣然屬草便成雖爲貧而作亦昔人自賣青山意
也日積月纍卷頁遂多大抵贈荅弔賀應酬之篇十居
八九其言淺陋無足采者殆出于倦極勉強之爲故卽
以倦名其橐焉刪而存之得若干卷過此以往詩文有
良齋倦囊

自序

一

無未可知也歲月飄忽性靈不居齒髮就衰耳目漸廢
他日搦三寸管無異挽兩石弓欲如今之東塗西抹豈
可得乎蓋吾亦甚愛吾倦矣辛未臈月良翁尤侗自序

艮齋倦豪詩集目錄

卷一

甲子詩四十首

乙丑詩十八首

詩餘四首

卷二

丙寅詩十三首

丁卯詩三十四首

詩餘十首

卷三

戊辰詩三十二首

己巳詩三十四首

詩餘三首

艮齋倦豪

詩目

卷四

庚午詩四十八首

詩餘三首

辛未詩七十四首

卷五

壬申詩五十九首


詞曲七首

卷六

癸酉詩一百二十三首 詩餘六首

良齋倦橐

詩集卷



長洲尤侗著



甲子詩

四十首

過子陵釣臺

久不見嚴陵扁舟此相遇高臺百尺強難覓垂綸處林
深草木繁颯颯吹風雨忽聞啼鳥聲疑有幽人住

度仙霞嶺

二十年前此一行青山無恙尚將迎蒙茸草木餘兵氣
嗚咽流泉似哭聲竿嶺斷雲圍古廟漁梁殘月照新營
白頭作客緣何事愁聽鷓鴣懊惱鳴鷓鴣鳴懊惱澤家

良齋倦橐

卷一 詩

一

方朔霄餉荔枝并詩八首依韻荅之

壺中別有軟紅鄉謫下瑤宮小玉娘一夜薰風吹客舍
開籠先認宋家香

水晶含孕火齊堆急遞無煩一騎催報道瓊山仙果熟
日邊青鳥早銜來

扶荔虛傳千百章不知烏石滿林香莫愁內熱終須啖
此地從來富蔗漿

龍牙鳳爪案前供珍重還看絳縷封却笑紅顏何日嫁

老公頭白一相逢

吳殿式附著

廣南蜀道幾條條暫向三山伴暮朝恨不生時逢宋玉

芳名寫入楚辭招

合將美味餉名姝
蜜漬猶堪佐酒厨
辟似馬嵬魂斷後
羅衣留取玉環圖

豈惟焦核饜賓筵
一飲瓊漿足引年
何用蟠桃乞王母

天邊自有荔枝仙

列仙傳有食其華實爲荔枝仙人

如君才調擅青箱
贈我丹枝帶墨香
只此遊囊罷彈鋏
飽食勝裹鄭莊糧

高雲客陳伯騶紫巖招飲西園

三山乘輿至端爲側生來
逃暑宜林屋驅愁仗酒杯
日長人柳臥雨過佛桑開
不盡滄田話風塵戰角哀

良齋餘棗

卷一詩

二

紫巖貽勝畫并荔譜率成長句

君謨譜荔枝一品首與化妙果如積薪長樂出勝畫

叶

或不勝化音誤也

六都三溪間蒼選殿朱夏孟公舊草堂纍纍

墻陰下百里貽傾筐剖之佐杯斝
白蜜縞清晝綠珠炫
玄夜海仙絳羅襦
天女紅香麝宛然
十八娘玉環猶未

嫁狀元空叫號將軍休叱咤

荔譜有狀元紅將軍紅

吾觀百果林

枝枝自匹亞江南
楊梅塢薊北葡萄架
生噉哀家梨倒餐虎頭蔗
總讓側生佳品題應無價
或比江瑤柱羊棗愈膾炙
繼之者龍目大王小則霸王
去奴復來應接殊不服
惜無赤瑛盤覆以黃巾
帕携子一卷書芳馨滿客

舍寄語樂天翁畫圖亦可罷

閩遊雜詠十六首

無諸臺畔草連天閩越兵戈六十年父老只今扶杖望

幾時滄海變桑田

鄭氏之亂前甲子起今甲子止

新開郡縣上臺灣屈曲諸羅接鳳山朝看漁人打網去

暮看估客販珠還

橫海樓船罷遠征錦衣使者尚巡行天涯靜處無烽火

轟耳猶聞砲子聲

皇家輿地富天都潑墨描成山海圖閱盡武彝三十六

不勞方士覓蓬壺

良齋倦彙

卷一 詩

三

聞說前朝遺斷碑滅雞十億讖何奇軍中自失姚南仲

一路青山插竹枝

崇禎時鷺門石碑有生女滅雞十億相倚語今姚憂菴總制應之

朝歌吳質最風流去後還聞士女謳遙望廣南千里月

餘光那得照并州

吳伯成撫軍今鎮粵東

海若相逢井底蛙賀君鼓吹日喧譁祇看百尺仙霞嶺

幾道銘旌廣柳車

途中遇姚施二總督喪回

王侯第宅盡成灰跋扈將軍安在哉惟有遺忠傳小范

祠堂青火令人哀

人生富貴本無常生縛摩訶事可傷多少朱門皆白汝

漫勞燕子語興亡

界田初復已開科民屋兵居可奈何萬戶金錢銜涕淚
牙門夜讌自高歌

狹斜年少點駝酥率府逍遙出市衢白馬紫韁紅袴褶
誰人不識霍家奴

楚宮謁者鬼何如逆旅張羅自索居有客饋予西子舌
欣然勝食孟嘗魚

悵望家園有所思他鄉花發木蘭時空床久斷蘅蕪夢
怕聽雕籠叫畫眉

偶得畫眉
畜之籠中

節逢寒露汗濃濃酷日南交土不同應是熱官能炙手
天邊不許放秋風

良齋儂稿

卷一 詩

四

劣崩峰高夢一登天風呼嘯海濤應鼓山試擊漁陽鼓
驚起白雲洞裏僧

重關漠漠叫難開強借三山陪酒杯倒曳蒯緱還大笑
辟如飽啖荔枝來

黯淡灘

石子嶙峋秋水乾霜林落葉作新寒天邊望斷南歸鴈
人在西風黯淡灘

建溪行

建溪溯流下勢疾如奔馬建溪溯洄上力鈍如拽象舟
行亂石間但聽灘鳴響挽之不盈尺倒退卽尋丈長年

三老忺不忺左手持篙右拏槳十日不得一順風橋鳥
無聲搖五兩昔我往矣黍未華今我來思橋已長燕山
吳水兩茫茫白髮孤燈中養養

哀厨童小慶

吳門一日晴言聞昔山淋水風高

汝從予行役新婚未幾時思家成渴病寄旅少良醫棄

置悲遺屢埋藏戀敝帷傷心建江水同渡不同歸

哀書眉二首

聖人天恩來我哀

小鳥依人人自憐誰知殞命劍津邊朝來不聽問關語

辜負黃花載滿船

奴子孤魂骨未收便娟弱羽豈同遊越禽不肯歸吳去

良齋餘粟

卷一詩

五

瘞汝荒山慰首丘

恭紀

聖駕南巡三首

東封已畢遂南巡萬姓歡呼見 聖人天馬來時屏羽

衛野廬宿處拜 楓宸山河險塞尋遺蹟稼穡艱難

谷近臣自恨周南獨流滯隔江望斷屬車塵時子

十月天高控六飛吳門一日即言歸青山綠水題詩遍

白叟黃童笑語圍夾道迎來果餌賜行宮宴罷管絃稀

更聞 親祭鍾陵去故國餘黎淚滿衣

翠華千里御鸞和不是微行小苑過今歲丁糧已免半

此行甲仗本無多尚看帳殿陳封事豈聽樓船發棹歌
多少江山皆望幸 君乎不遑奈 君何

恭和

聖製幸闕里詩

天子東巡狩躬登尼父堂丹書遺杖屨絲竹出宮墻聖
德高山仰 王言古木長

聖製檜樹賦
檜高五丈

沙丘妄男子空

自倒衣裳

恭和

聖製閱河堤詩

爲駕桃花輦來臨瓠子宮黃河流有限 丹地澤無窮

艮齋倦臺

卷一 詩

六

莫問新隄築須求故道通天將洪範錫圭璧告成功

華貞女

忠臣非不多所難在丘壑貞婦非不多所難在閨閣處
士而殉君正氣搖河嶽處女而殉夫大義激冰雹烈哉
華氏子婉孌自追琢良人未結褵春日穠華落攬鏡怨
離鸞撫琴悲別鶴豈以一朝分遂負終身託衰服奉尊
章空房守棺槨之死固靡他虛生復何樂環下繫羅衣
刀頭掛金錯立雪謝簾帷停餐廢藜藿援筆寫圍屏血
淚秋霜薄十年辛苦心終赴泉臺約黃塚宿鴛鴦青陵
叫烏鵲地下逢故夫于歸賦皇駭始慰同穴期齊眉向

冥漠歎息滿吳趨芳名何濯濯庶邀 昭代旌雙闕烏
頭卓千秋既可傳九原尚能作

夢覺一首

天地有消息晝夜相周流日中每不樂夜夢常優游日
爲 與牧夜爲王與侯日爲鰥與寡夜爲妃與仇日而
哭泣者夜乃聞歌謳日而甕牖者夜乃登瓊樓晝短亦
不苦夜長亦不憂三萬六千夜其樂過千秋夢覺固如
是生死將無侔生夢死方覺覺來更何求生覺死仍夢
夢去亦無愁所以達人言視之若浮休大覺惟陳搏善
夢稱莊周我讀睡鄉記願從華胥遊

艮齋倦臺

卷一詩

七

乙丑詩

十八首

乙丑元旦二首

百年難遇歲朝春到逢年新又新天地首開交泰日
江山重見太平人青幡隊裏看三白翠柏樽中薦五辛
盡說姑蘇風景好曾經 天子駕南巡

百年難遇歲朝春次王正寅次辰雞戶恰迎綵燕舞
虎符還逐土牛陳天垂瑞葉初回煖人沐陰膏漸返淳
會與太和門下宴至今清夢繞 丹宸

辰時立春
是日雨雪

又自述一首

百年難遇歲朝春老至欣看景象新脚疾槩跚謹謝客

鬢毛禿速可憐人婦歸地下空幃冷兒在京華敝篋貧
幸有故園芳草綠 君恩暫許乞閑身

時子下堂而傷其足

西湖漫興四首

十年塵夢賦歸來乍見西湖心目開青嶂半從蕭寺落
綠波時向段橋迴泐塘遍插將軍柳繞徑閑尋處士梅
且把芳樽酌春色南屏早聽晚鐘催

錢塘門外兩高峰南宋興亡在眼中葛嶺尚傳賈相宅
吳山誰識壽皇宮荒臺夜泣金人露古墓秋嘶石馬風
惟有老僧忘歲月空堦自掃落花紅

會記西陵油壁車關山烽火夕陽餘大堤人去多迎佛
良齋倦裏

卷一詩

八

小港船來爲放魚好聽新歌楊柳岸閒談舊事藕花居
何當笠釣烟波裏一葉浮家縱所如

烟花南部古杭州不羨青溪杜若洲靈鷲千年生石髮
浙江一夜長潮頭煎茶試覓參寥井賣酒重開豐樂樓
指點蘭橈斜繫處橫汾一曲待宸遊

古松歌爲李德中鹽使賦

隱巖嘗聞七處士天門又見五大夫慈仁寺中支離叟
蒼鱗百尺猶龍乎其他礫柯多奇狀往往虎跳與虬蚨
我來武林鹽鐵署天矯輪囷獨一株其上亭亭如車蓋
其下子子如干旗借問此松年有幾生于南宋紹興初

爾時臨安建作都錦塘畫鷁粧西湖三秋桂子月中落
十里荷花風前扶顧視桃柳皆發笑此松屹立將無孤
一朝兵戈收栗瑟高臺曲沼荆榛蕪宮槐苑草盡零落
冬青荒冢空啼烏至今此松巋然在大似遺老鬚眉殊
眼中滄桑歲月久冰雪尚賸青皮膚但留官舍苦拘束
閣鈴衙鼓時紛拏誰知得遇隴西李蟠根仙種真吾徒
冷如霜華堅如石惟吾知松松知吾公餘坐嘯手摩摸
松亦起舞吹笙竽却召故人同酌酒酒酣弔古爲操觚
我思天地產神物必逢識者來相於一經使君品題後
百年老樹傳三吳恐公秩滿乘傳去松將變化升天衢
嗚呼此松天下無我詩贊歎猶未足亟呼韋偃丹青圖

良齋倦臺

卷一詩

九

贈趙玉峰中丞

清獻家風自不羣開牙越絕樹奇勳聲名已徧東西戒
號令兼施南北軍濂洛書傳講鼓奏河渠志就棹歌聞
祇應飛蓋湖山上遙望天邊五色雲

贈同年薛梁公中丞二十四韻

漢家十四侯經術贛君優世起西秦塞名高古雍州金
門嘗對策鈴閣每宣猷江左看持斧湖南仰運籌賜
褒來御札入覲動宸旒內召奇章鴻登仙景倩騶
曲臺陳羽籥常伯佩琅球遂自尚書省遙臨節使樓印

將金鎖鎖簾用玉鈎鈎吳地稱天府舒城據上流激揚
同好惡茹吐協剛柔枹鼓銷村落禾麻滿道周放衙森
畫戟退食冷冰甌猶記 乘輿至深嘉法令修 九重

錫象服四國咏羔裘和氣飛紅旆清風扇碧油官真尊
獨坐人亦號春遊 薛簡肅公知成都作
春遊詩人號薛春遊 久望龍眠嶺閑

過桑落洲班荆相慰藉把酒共網繆敢結蕭朱綬欣隨

李郭舟澗河餘九里麗澤永千秋竚俟三台見還朝

正黑頭

一指巖

却背千人石來尋一指巖壁間看畫障牆外過風帆白

良齋倦憂

卷一詩

十

烏去難數黃花老未芟祇携騷半筴聊可伴經函

旅懷

偶泛扁舟過皖江江頭蕭寺水淙淙夜長厭聽官街鼓
秋冷空依古佛幢千里塞鴻來北地五更山月到西窻
燈殘酒醒愁何限遮莫悲歌鐵板腔

題古杏花村二首

并序

杏花村本杜牧清明詩明太守顧元鏡建坊表之後

有改爲牧童指處者里人請還舊名而未復也今郡

司馬周競菴重加修飾題曰古杏花村予按杏花村

金陵有二一在鳳凰臺一在芙蓉山而徐州亦有朱

陳村杏花一百二十里東坡詩所謂我是朱陳舊使君勸農曾入杏花村是也以詩考之則池陽爲最古然古來名山大川高臺曲池風塵湏洞湮沒而不傳者多矣此村幸藉小杜一詩以傳而村之有坊顧公創之于前周公修之于後皆賢使君可傳者村雖小君子大之大復古也予過池陽賦詩以誌

太守行春日山村滿杏花題詩猶在壁沽酒向誰家地近芙蓉嶺人遊楊柳衝蓬萊移種至好散一林霞

方外賢司馬西山拄笏看採風尋野老種樹問園官白

浦舟能渡黃鑪酒未殘花亭如可築遲我倚欄杆向有杏花

良齋倦臺

卷一詩

十一

亭今廢故予前首勸其種花後首望其築亭云

村語

題郎趙客杏花村志

從來未有花村志好事今推郎士元我欲移家武陵任也編仙史紀桃源

望九華

九華可望不可登此語雖然僕未能雲海迷離變白石芙蓉隱約空蒼藤我無酒肴亦旣醉子有車馬何弗乘

周使君招游不果往

漫爲秋浦渡頭客却負新羅國裏僧

謂金地藏

題翁岸甫張超然合照

葛巾筇杖老天涯並坐溪山到日斜世上只無漁父棹

春風何處不桃花

書筠上人卷子

目中久不見筠公茅屋新詩近益工有句何如無句好
開窗試聽剝竿風

詩餘 四首

將遊湖上清明日禾水道中適見吳夢窻有湖上

清明自度曲因和其韻 西子粧

春色三分江聲八尺

地名

年老看花如霧扁舟搖漾載東

風早行來落帆亭堍恰逢百五何不向家園小住

稼軒詞云

明日落花寒食得小住爲佳耳

記年時過西湖曾把佳期先許

衆定

良齋倦堂

卷一 詩

三

誤身似聞鷗便逐清波去十年塵夢幾多愁總消除白
雲紅樹新烟一縷待折取柳枝堪賦倚斜陽且免斷魂
細雨

湖上用前調韻

青草如袍綠波似帶添得髻髮烟霧曉風催上木蘭舟
小流連西陵橋堍斜陽深處記少日酒壚曾任乍相逢
看淡粧無恙鬢絲如許 尋春誤在苒韶光半逐紅塵
去桃花落盡不留人只新陰垂楊幾樹情深懷古便擬
作惜餘春賦怕歸來又聽小樓夜雨

題馬殿聞太史小像用赤壁韻 百字令

少時把臂記于思玉貌扶風人物曾到瀛洲分直處猶
見大名題壁十載歸來田園樂志一卷携冰雪古之黃
老守雌方是雄傑 今日卽次重逢白眉無恙興致還
飈發我已婆娑生意盡半似秋螢明滅良夜高齋銜杯
話舊感慨餘華髮揮毫寫此玉山正吐新月

余曼翁七十何省齋六十合壽和原韻 滿庭芳

二老奚爲者各占一壺天曼翁春秋耄矣南礪正耆年
無論乘車戴笠相與徵歌載酒興致各迥然洛社香山
會可以坐其間 君不見長安道半貂蟬千里以要名
爵何似賦歸田一百三十齋壽三百六十同醉至樂得
且齋倦愛

卷一詩

十三

天全我亦支離叟和汝願隨肩

長洲尤侗著

丙寅詩 十三首

送湯潛菴中丞還朝 二十六韻 特進禮部尚書掌詹事府事

聖主當陽日 元良齒冑時 三階需傅相 貳體藉經

師說命從天 賚臯謨動 帝咨講筵昔 啓沃直閣每書

思理學無勩 說文章有正 辭道高心自 格才大政能施

南國推登是 東郊賴尹茲 治民空岸獄 禁鬼絕淫祠 約

法安耆老 陳書教小兒 勤真忘夜寢 儉并廢晨炊 自此

年時熟 因之風俗移 福星一路戴 勁草九重知 允作

良齋倦臺 卷二詩

王躬保還宜 冲子毗 青宮端午啓黃閣 命旋

垂八座 施行馬頭銜得總龜 用張說事 甘盤稱舊學 夔后典

專司 天子傳家訓 春官具少儀 疑丞羣濟濟 弦誦日

孜孜 幼海歌重潤 前星占繼離 門排鸞鶴駕 路近鳳凰

池 司馬初歸洛 姬公將去岐 甘棠懷召芟 芟芟黍憶郁 滋

萬里人留鐙 千家口製碑 吳山瞻氣象 江水寫鬚眉

朝右尊人望 田間失我私 公歸應不復 詠歎衮衣詩

自和苦憶詩四首 有序

壬戌之夏予在長安作苦憶詩二首云苦憶水哉亭

上坐披襟散髮納涼時 輕雷送雨鳴荷蓋 細浪迎風

捲柳絲蠻眼乍烹棋罷局鷄頭初剝酒盈卮隔牆又
聽兒童笑來報梧桐月滿枝而今老向長安道短屋
三間入甕時門外馬蹄塵似糞案頭蠅腳墨成絲朝
回有客投名刺病後無錢却酒卮長日祇堪高枕臥
夢隨蝴蝶繞南枝當爾時忽忽不樂蓋五年矣明歲
告歸甲子重築此亭丙寅六月納涼其上忽憶此詩
風景不殊恍然如夢不覺悲喜交集因和原韻復得
四首既用自慰亦以志今昔之感也

所有不歸如此水誰能消遣夏之時喜聽野老鳴榔軸
閒看漁童理釣絲客過先除頭上帽花開莫放手巾卮

良齋倦臺

卷二詩

二

高風最愛吟蟬好獨坐垂楊第一枝

雖無仲氏田園美行樂人生貴及時蓬戶祇須着筆硯
鳳池豈必掌綸絲御風舊捉蒲葵扇酌水新裁瓠子卮
玉塵本來王謝物助談聊可折松枝

偶乞蘇家南圃地恰當陶令北窓時養生惟勘形神影
娛老何煩竹肉絲行藥自携斑節杖採蓮人送碧筒卮
閑居敢傲煙霞癖飛倦思依越鳥枝

長安遠別三千里彼一時兮此一時畏路漸看眉倒暈
衰年且任鬢垂絲醉來讀曲翻金縷夢去遊仙訪玉卮
蔬水加餐儘不惡海南還想吃離枝

卽荔枝見相如賦

有歎

一場影戲幻何窮半局圍棋劫未終文字都成反舌鳥
功名合讓叩頭蟲樽前寒煖須更換紙上縱橫約畧同
顧我南華方夢覺披襟且納北窓風

白兔

小庭芳草綠如雲撲速新來雙卯君携向夜闌月下看
爭疑玉影鏡中分

小猫

新買狸奴五十錢一雙遊戲紙窓前空房鼠耗原無有
但博長宵高枕眠

艮齋倦囊

卷二詩

三

贈寶上人

久向天童老古椎獅兒哮吼亦奇哉草鞋曾踏臺山路
親見文殊出定來

丙寅仲秋釋菜東林書院謁道南祠聽講有述
首

程門正學孰先傳繼往開來賴五賢如坐春風欣此日
且休夜雪想當年道歸南國江山勝節峙東林金石堅
始信有爲亦若是諸公易地則皆然

龜山有此日不再得詩今祠中以此

名堂

依庸堂戶久凋零書帶猶遺芳草青禮在仲冬宜舍菜

學爲弟子共橫經，百家參伍誰能說。一室東西皆可銘，瞻仰高曾規矩至。後人容易使趨庭。謂先文簡公

送先文簡公入家祠感賦

書院曾聞號遂初，先賢堂構已榛蕪。譜傳南渡風難繼，祠入東林德未孤。木主今朝修謁薦，土垣他日俟丹塗。追思四將中興日，何獨遺編一字無。尤楊范陸詩號中興四將獨遂初堂集無存

丁卯詩三十四首

歲朝詠懷二首

不意浮生七十年，追尋舊夢轉茫然。兩朝知遇難忘

良齋倦臺

卷二詩

四

國一世窮通，總信天莫問。田園妨靜課，且休筆墨謝。塵緣眼中何處容，吾老十里青山漁父船。

老翁七十復何求，喚我爲官便掉頭。田舍祇憐形影伴，朝班猶愧姓名留。道書偶讀還高臥，濁酒時携却倦遊。寄語親朋休祝我，山中久已忘春秋。

卓火傳建計籌山昇元觀詩

卓君天下士，卜築在相於。忽復游仙觀，時還讀道書。青山隨杖策，白日照樓居。應共陶朱語，英雄氣未除。

贈宜潔律師

華山聞正範，聖水見威儀。四衆歸禪定，三年結止持。曉

鐘金殿震夜呪石壇施坐看傳衣日春風擁導師

穀雨前一日裘用貞招同金穀士張園看牡丹

西湖景物最天斜況是名園鬪麗華老去看花渾似夢

南泉語陸亘云大夫看此花與夢裡相似春來把酒便爲家輕風不用檀槽

攪暖日偏宜蘇幙遮莫怪主人留客醉消醒恰有雨前

茶

寓寺漫興

西湖流寓已兼旬彈指韶光又暮春白社但逢諸佛子
青山不見一詩人錦塘雨過花茵薄柳浪風來鳥語新
怪底鄉村兒女伴年年三竺踏香塵

長齋倦彙

卷二詩

五

飛來峯

借問石飛來何時復飛去本逐清風行却伴白雲住

泠泉亭

蘭若一何喧小亭聊永晝坐久自泠然何必枕與漱

湖心亭

宛在水中央四面青山繞殘夜月明樓嘯下天邊鳥

放生池

春水方瀲灩游鱗共澆灑寄謝觀魚人正自妨魚樂

南屏

既看夕照佳復聽晚鐘靜寺外野田多草没牛羊徑

孤山

野鶴去不還梅老只一樹水淺月黃昏獨與石頭語

落星石

星隕已爲石石老還爲星夜夜光芒發風吹鬼火青

棋盤石

石上有棋盤何人下棋子落君不知鶴飛明月起

苦雨

羈旅值秋霖床床漏不停祇看淮水白難望蔣山青蟋蟀乘陰出梧桐入夜零不知三五月何日照空庭

揮青亭落成九日與諸子登高漫興

四首

艮齋倦橐

卷二詩

六

吾歸五載後乃有此茅亭南畝方垂綠西山仍送青秋來寒水落客至暮雲停共取登高醉無爲美獨醒

似画齋中舫非牽岸上舟開窓迎白鳥俯檻對清流一幅採蓮賦千聲布穀謳只須打兩槳便可泛滄洲

亭形似舟

故云

已屆重陽節黃花勒未開幸無風雨妬賴有碧山陪狂客持螯去英雄戲馬來古今同寂莫雍瑟不須哀

憶昔先君子登臨比峴山九原長繫戀十載重追攀撤

戍兵戈定歸田桑柘閑菟裘吾欲老恰好着癡頑

先君子建

此亭至甲寅而廢爲防兵也又十有三年而復

送珍兒北上四首

送汝北征去，凄然岐路間。
年衰離別苦，歲暮道途艱。
綠酒空盈椀，白雲正滿山。
斜陽回首處，懸望大刀環。

宦情原自淡，菽水亦承歡。
父子恩雖篤，君臣義未安。

文章思報國，志氣恥求官。
愧勉從王事，休將別淚彈。

彈

言歸方二載，于役敢遲遲。
家食誠難久，行裝豈易治。
典衣猶未辦，索米復何之。
莫爲飢寒累，風人咏素絲。

天子真神聖，山河正太平。
綱維垂北極，經術重西清。

邸安斯久，儒官薄亦榮。
汝能勤夙夜，容我老柴荆。

艮齋倦臺

卷二 詩

七

因珍兒北上寄示陸婚儼庭并呈彭訪濂司業

與子分攜四載贖，歲月遙遙移斗柄。
僕作江湖汗漫遊，否卽深山長養病。
子也拜官入成均，國子先生著名姓。
相思雖有百封書，夢中警歎不相應。
前年送帑歸京師，團樂私喜話家慶。
祇愁俸薄食指繁，數米量鹽瓶壘罄。
煤市街頭半間屋，門可張羅室懸磬。
朝騎瘦馬府中趨，夜坐寒氈燈下詠。
署無職，掌吏人貽闈，少贄錢，僮僕競。
四門博士頭銜輕，每遇殿呵道邊屏。
袞袞諸公馳騁來，旁人爲爾憂。
踏蹬我謂官卑慎，勿憂虎鼠龍蛇各有命。
昨日五侯車騎新，今朝四相堂餐盛。
昌黎一飽歎無時。

杜陵短衫不掩脛浮雲富貴本何常白衣蒼狗紛難定
朱顏天折白頭強終賈公孫此其証丈夫遭際會有時
巧者前茅拙後勁寧從冀北駕長途莫向終南走捷徑
惟有一事代君憂鴻漸于陵婦不孕但須生此寧馨兒
詎羨萬石與千乘人生百年樂不足且放春懷遣秋興
同官幸有蘇司業緩急酒錢或持贈總角之好會面多
經史百家共商訂彭宣樂道陸倕貧挈短較長猶季孟
吾兒薄宦亦可憐金馬浮沉奉朝請出門唯恐污滿車
閉戶還嗟塵生甌相逢知己且相於常把酒盃對書檠
三子苟能同一心白石青松可重盟君看長安朱丹轂
良齋倦臺

卷二 詩

人

一跌有時陷泥濘拖紫紆青技類優知白守黑言殆聖
解嘲荅戲昔有之進者孰與退者勝葑溪老翁山澤臞
不在其位不謀政聊因家信發狂言殷勤與汝寒温竟
爲問彭公然不然寓書以教予不佞

舟中寫悶

風色天斜逆不堪來時西北返東南送子遠行意自苦
尋人不遇心如惓蒼莽寒烟紛漠漠白頭短髮空鬢髮
醉矣浩歌且歸去洞庭山渚携黃柑

洞庭阻風

偶爾扁舟泛洞庭北風烈烈雨冥冥龍威丈人竟逐客

蒼水使者方揚靈日色常抱鼉鼉黑山嵐半捲樓臺青
黃甘陸吉爾何在試一呼之消醪醺

擬阮步兵一日復一日

二首

一日復一日一朝復一朝少壯能幾何白髮相招邀平
生負意氣顧盼青雲高文章凌屈宋功業卑蕭曹逝當
銘鐘鼎豈止珥金貂一官竟拓落萬事空蕭條冉冉老
將至寂莫隨漁樵乃知用世者惟在時所遭大鵬九萬
里乘風始扶搖燕雀羽毛短決起墜蓬蒿器量固有限
運數終難要妄求諒無益怨歎亦徒勞不如樂天命齊
物觀參寥努力加餐食歌詠以逍遙

良齋倦業

卷二詩

九

一朝復一朝一夕復一夕朝往而夕來寸陰良可惜萬
歲與千秋生年不滿百顏子凶短折賈生罹疾厄彭祖
壽難期王喬仙何益洛德苟不修速朽同木石佻佻羣
公子綺紈自矜飾赫赫諸大夫冠蓋日相索俗子競錢
刀達人工博奕等之一暴棄載胥及陷溺吾生苦貧賤
挾書恒斷食爲農力不任作宦智不及骨肉漸凋零獨
居長戚戚齒髮旣就衰肌膚不能實迴視齊年友大半
存亡隔去故來日新顧影自驚惕今年七十強俛仰慚
食息人或賀先生先生還自責桑榆倘不收崦嵫更相
逼先儒亦有言此日不再得

憶珍兒道中四首

十月從來應小春如何分手早寒新長安此去三千里
滿地霜華愁殺人

屈指行裝發舊京青山無限馬頭生酒途却恨朝來兩
誰與殷勤唱渭城

路入中州千里餘天寒日暮意何如西風無數南飛鴈
只帶蘆花不帶書

老人布被煖匡床夢醒燈殘愁夜長却憶少時行役苦
馬蹄踏盡板橋霜

日苦短

良齋倦橐

卷二詩

十

日苦短夜何長屋角西風響床頭明月光千里鴈飛催
客淚五更鷄叫斷人腸

丁卯除夕再用除字韻

彈指吾生七十除居諸二萬五千餘一身將老難忘食
百事都空未廢書回首風塵憐戲幻放懷山水狎樵漁
夜深猶作京華夢半是趨 朝半倚閭

詞餘十首

十休歌 駐雲飛

宋孫昉自號四休居士云粗茶淡飯飽卽休補破遮
寒煖卽休三平二滿過卽休不貪不妒老卽休子廣

其意成十休歌且曰可教一小道童持簡子向十字街頭唱一徧也呵呵

早別瀛洲不向長安逐馬牛老圃仍依舊小閣重新構

休閉戶絕交遊浮名何有若問頭銜別號逍遙叟算來

小隱田園閒卽休

命也黔婁四柱無財莫強求三徑蓬蒿茂一室琴書瘦

休漫笑阮囊羞一錢常穀萬貫空堆塞破書生寶算來

淡泊家風過卽休

將老菟裘野屋如巢人似鳩寒暑繩牀受風日疎窓透

休南郭接西疇東籬垂柳環堵翛然君子居何陋算來

良齋倦臺

卷二 詩

十一

茅舍容身安卽休

吾道當謀蔬水簞瓢樂不憂二七青葱秀三百黃齏臭

休肉食自貽羞覲覲堪嘔方丈臺盤怎下如瓶口算來

一日三餐飽卽休

庾杲之每食三韭任助戲爲二種臭氣也月令其臭羶

夏葛冬紬薜荔縫裳紙補幃盡結王陽綬尚捉原思肘

休雖有白狐裘炎天不受豈曰無衣能著千層否算來

短布粗粗煖卽休

水尾山頭泛宅浮家汗漫遊爐曰隨緣有拄杖幫身走

休花月送春秋提壺沽酒閒話漁樵百代同芻狗算來

天大憂愁醉卽休

顧影無儔十載鰥魚謝好逑但覓黃婆偶翻覺青娥醜

休 布被擁香篝長宵如晝八百彭翁不及陳搏久算來

萬事淒涼睡卽休

道家以脾爲黃婆趙嘏妾名青娥彭祖有四才妻故不能飛昇

文字併優高則聳牙低打油說甚韓和柳吟甚寒和瘦

休 黎棗費雕鏤彩毫速朽西抹東塗後世誰傳某算來

閣筆沉吟倦卽休

婚媾仇讐恩怨齊觀一筆勾世路兵戈鬪宦海風波驟

休 凡事讓先籌棋輸國手橫逆由他忍辱波羅呪算來

意氣相爭和卽休

忽忽悠悠土木形骸儒者流佛法空叅究道妙誰傳授

良齋倦憂

卷二 詩

三

休 丹藥滿牀頭黃庭肘後把酒長歌且爲先生壽算來

却病延年老卽休

良齋倦橐

詩集卷三

長洲尤侗著

戊辰詩

三十二首

宋牧仲方伯綠牡丹詩和韻二首

紅粉行中新樣無黃裳寧怨綠衣孤迷樓捻就三分黛
金谷量來一斛珠似剪甲螺香不已試浮杯蟻色何殊

祇應宋玉才華妙寫出東家一笑圖

仙人萼綠殿芳春翠羽還疑擁洛神鸚鵡漫誇歌舌巧

楊枝欲妬舞衣新水邊紅袖羞相謔石上青苔想獨顰

聞說姚黃猶入貢可將異種獻

丹宸

坡詩洛陽相公忠孝家可憐亦

良齋倦橐

卷三

一

進姚黃花

湖上苦雨

一年一度到西湖及到西湖一事無風雨滿天疑逐客
琴書獨坐欲忘吾泥中雪積橋真斷烟外梅殘山更孤
只借酒杯供潑墨灰堆畫作米家圖

春分

今日已春分懊惱連宵雨獨坐小重樓望斷西陵渡墨
墨曉山沉眼看花如霧燕息一爐烟夢繞江南路

枕上口占

風雨瀟瀟閉梵宮無眠獨自數晨鐘聽殘百八聲聞斷

萬象蒼茫一夢中

和清明詩

有序

東坡清明詩烏啼鵲噪昏喬木清明寒食誰家哭風
吹曠野紙錢飛古墓無人春草綠棠梨花映白楊樹
盡是死生離別處冥漠重泉哭不聞瀟瀟暮雨人歸
去讀之有泣下者予在湖上值清明日見孤山祭掃
者偶憶此詩因反其意和韻一首亦可破涕爲笑也
百年坏土千年木荒墳宿草無人哭長眠魂魄幾時還
但見西湖烟水綠紅粧笑倚碧桃樹墓門半是提壺處
家家陌上醉扶歸夕陽又聽樵歌去

良齋倦藁

卷三詩

二

花前漫興

牡丹先放纔三朶芍藥新開只五枝花到貧家寧見少
人當老境不爭遲誰酣粧鏡楊妃酒却憶翻堦謝朓詩
回首舊遊都似夢黃梅細雨試茶時

始落一牙戲作

掀唇成一笑誰謂爾無牙百堵開前闕三軍墜左車太
公將去國鮑叔已辭家努力堅餘齒猶堪咬菜芽

亦園十景竹枝詞

有跋

南園春曉

朝聞百舌喚遊春柳醉花眠總帶人無數紅裙踏步去

燒香爲養二郎神

東有二
郎廟

草閣涼風

八尺高臺四面空
解衣槃礴快哉風
侍兒不用歌團扇
自有封姨伴醉翁

葑溪秋月

家住城南采葑溪
月明夜夜小塘西
清歌自不煩絲竹
笑殺蘇堤鬪白堤

寒村積雪

千村萬樹白皚皚
日未烘乾風舞迴
忽聽兒童拍手笑
草棚裝出後猓來

艮齋倦橐

卷三 詩

三

綺陌黃花

菜色驚看布地黃
春風習習更吹香
東邊喫酒西邊唱
三月田家作戲場

水亭蒨苔

水哉亭子俯清流
六曲欄杆坐兩頭
蓮葉蓮花并蓮子
只無美女採蓮舟

平疇禾黍

纔看栽秧又刈禾
晴時耨把雨時簍
桔槔盡說田家苦
却喜悠揚打棗歌

西山夕照

西山爽氣朝來好及至斜陽晚更佳
窄窳穹窿都一望
不須竹杖與芒鞋

層城烟火

睥睨周遭遠九達萬家烟火樹參差已
拚月夜譙樓鼓
那禁霜天曉角吹

滄浪古道

千古滄浪水一涯平常小巷識蘇家
蘇家巷在園左
尋君遺跡

南禪寺惟有鐘聲噪暮鴉

姑蘇有十景猶之燕臺金陵瀟湘西湖各占勝地而

言若吾廬在姑蘇一隅而所謂亦園者不過十畝之

良齋倦棠

卷三 詩

四

間一丘一壑奚翅泰山之于丘垤河海之于行潦哉
今乃侈然以十景自名是適供大方之家胡盧絕倒
而已雖然以莊生之齊物則鯢鵬之與尺鷃一也以
佛氏之空相則須彌之與芥子一也以野人之闕觀
則姑蘇之與小園亦一也舉凡大塊所生四時所至
百物所聚萬籟所出莫非造化自然之妙天下有之
吾園無不有也則安知姑蘇非大亦園非小乎則安
知姑蘇十景非多亦園十景非少乎匪惟有之且爲
圖之又從而詩之旣以自娛并貽諸君子一笑焉有
和我者則醉之以酒

避暑

生平畏炎熱體若觸蠆尾夸父見日影發狂走不止草
堂三四間如坐蒸籠裏蕉扇搖不停面頰頰有泚入山
旣苦遠浮海復何底荒園有高臺高僅尺餘咫舊歲築
小亭其狀似一葦上有輪囷樹下有滄浪水軒窗四面
開中有烏皮几朝看西山雲暮閱南畝稻稻涼風謾來
爽氣生兩耳靜對五千言閒觀十七史瓦缶貯清冰浮
瓜或沉李倦卽曲肱眠夢入華胥美客來麾不去請解
襪穢子不迎亦不送不衫亦不履避暑諒當然慎勿嘆
無禮

良齋倦臺

卷三詩

五

中秋

十載中秋天一涯

自戊午至壬戌在京師癸亥在定州甲子在福州乙丑在崑山丙寅在無

錫丁卯在金陵

今年却喜晚還家已看月上梧桐樹又聽風吹

蘆荻花寂莫西窻悲冥漠迢遙北斗望京華樽前有酒
不能醉爲少佳人鼓琵琶

琵琶音弼

小園卽事六首

殘暑今方退荒園得早秋樹陰遮屋角山色補墻頭日
落羊牛下風高禾黍浮無人覓來往策杖自行遊

白裕初宜着紅欄乍可凭一池鵝鴨陣半路豆瓜棚地
僻偏多鳥人間漸似僧此中高臥足只欠酒三升

杜門多暇日景物好相於野老工挑菜溪童學釣魚倚
枰成坐隱揮扇作行書不信風塵外猶驅駟馬車
倦游吾老矣三徑尚盤桓綠樹蒼頭種青山白眼看雨
中尋鴨脚霜下摘雞冠更喜秋英落能充楚客餐
虛亭如畫舫四望水雲連瑟瑟黃花節迷迷白露天菱
歌採砂角魚鼓賣新鮮飽食真無用惟堪捫腹眠
百歲同朝露千家半夕陽昔年幾戰馬今日祇耕桑野
寺疎鐘遠城樓畫角長幽人邈何許一曲想滄浪

秋夜

秋雨淋鈴秋夜長三更白露五更霜胞中略轉不時起

良齋倦橐

卷三 詩

六一

眼底常開何處望數夢故人來忽忽驟驚好景去堂堂
西風吹破平生恨付與東流消混茫

九月十九日先妻忌辰禮懺志感二首

彈指光陰忽十年瓣香何處弔重泉釵鈿久委塵沙地
鐘鼓空聞忉利天綠鬢佳人長已矣白頭老子尚依然
西風不住吹離恨嘹唳孤鴻叫暮烟

稽首慈悲兩足尊一家死別最酸辛沉埋偏苦女流輩

短折還哀年少人

并薦亡兒
兒婦孫女

佛與消災寶懺在鬼猶求

食紙錢陳

演瑜
伽義

從今永斷幽明界莫戀三生未了因

和放翁一年老一年韻

一年老一年一日衰一日衰至倦自增出入本無疾空
房無人絕欲久心齋并斷杯中酒人生婚宦都已捐身
外長物復何有樂雖不足閒有餘二粥一飯菜兩盂每
事健忘誠大愚忽然憶着笑掀鬚

喜得曾孫二首

今朝開口笑且喜得曾孫共羨嬰兒好方知老叟尊客
來湯餅會花滿洗錢盆正遇黃封降扶筇獨拜恩

時奉

詔覃封

七十纔餘一居然號太公單傳成小戶四葉衍衰宗香

火祠堂內詩書礪襟中貧家只此足慎莫歎龍鍾

艮齋倦彙

卷三詩

七

詩餘 三首

花朝大雪 清平樂

百花生日上苑催花急昨夜花神嫁滕六添得粧臺六
出西湖一半冰堆六橋活葬殘梅更有一般奇絕雪
山又見飛來

荅吳寶崖見訪之作卽和來韻 驀山溪

西陵三度慣傍東君住風雨故愁人無計買酒杯催去
今朝夢醒鐘鼓報新晴尋柳浪訪孤山直到南屏暮
禪房深掩有客錢塘渡庭樹晚烏啼試借問主人何處
小舟蕩槳只在兩湖中紅十里遍桃花遮莫留崔護

吳蘭次七十 鷓鴣天

舊事猶思拜漢廷，新詞賸欲舞湘靈。修成鳥史兼花史，
刪得茶經又酒經。珠作架，錦爲屏。紅橋重見老人星。
阮公青白依然在，看盡青山看白丁。蘭公曰
昔復明

己巳詩三十四首

己巳元旦

震澤高峰七十二，老夫今歲與之齊。了無好事供描畫，
只有歪詩任品題。處世且隨春後鴈，問年已報午時鷄。
西山殘雪尚堪玩，謝却親朋獨杖藜。

題乘風破浪圖二首

良齋倦裳

卷三詩

八

一葉扁舟歷五湖，青山飛過白雲徂。中流笑向漁翁問，
此去天河到得無。

風正高兮浪復危，快哉萬里欲何之。勸君暫爾停帆住，
也有風恬浪息時。

聖駕南巡恭紀八首

帝召羣臣問東南，近若何。耨憐赤子版，鍾念黃河遍。
地車書盛當春草木，和在廷咸拜手願獻翠華歌。

五載一巡狩，重瞳今再來。岱宗仍陟觀，吳苑復登臺。
侍從千秋鏡，兒童萬壽杯。行宮方燕喜，莫唱上之回。
昔年臨虎阜，此日幸西湖。花鳥供吟咏，江山入畫圖。

乘輿十錦繞警蹕萬松呼更向南陵去神功薦禹敷
遊豫非行樂勞來爲庶民蠲租施漢惠解網布湯仁郡
縣官如故宮墻士倍新紛紛謳頌者章滿屬車塵

省方宜黜陟賢者賜金繪匪止分升降因之示勸懲恩
推田舍老七十以上皆賜肉帛波及比丘僧靈巖玄墓靈隱雲棲諸刹皆有賜金別

有蘋婆果聊酬書畫能

君與民同樂休哉此一時鼓吹喧萬部燈火照千枝錦

繡宸遊舫丹青聖德碑天顏知有喜不羨醉瑤

池

吳越山川美流連豈盡期聖心惟夙駕重地在京師

良齋倦雲

卷三詩

九

薊北千門望江南萬里思深宮還宴息庶政待疇咨

夾道千官送沿河萬姓迎人填楊柳巷騎接鳳凰城膏

澤隨時降天書照眼明微臣慙老病翹首望龍旌

駕幸虎丘適萬歲樓落成恭紀一首

閶闔天高紫氣浮蒼龍夙駕下蘇州春風初繞千人石

曉日羣瞻萬歲樓漢詔蠲租追地節唐碑頌德勝之

罟吾王遊豫民歌舞此地從今號帝丘

途中生日漫書七首

無端送帑泛孤舟到處仇讐與命謀大小難過八十一

恰如三藏記西遊

李星坐命合生災悔恨憂危雜沓來牛首掛門狼啖脚
一場惡夢幾時回

山間林下足盤桓何苦重經行路難長日正逢天道熱
逆流又阻運河乾

七十衰翁已白頭三千里外復何求人情更助羊腸險
客況還添牛後羞

世態悠悠覆與翻出門自爲孰爲言却思戰國佳公子
富貴無忘一飯恩

趙家廝養霍家奴叱咤謹噉無事無爾輩不堪犬豕食
吾儕任作馬牛呼

良齋倦臺

卷三詩

十一

橫逆頻來可奈何風波更甚老黃河可憐九死逢生日
澆酒聊爲懊惱歌

戒氣歌

古人三不惑名爲酒色財我性喜豪飲中年致疾災因
此疎麪蘖祇勝三蕉杯美人我所思其奈緣不諧一生
不二色鰥老心如灰我口不言錢錢亦不我來執鞭豈
可求屢空任瓶罍借問關西子於我何有哉惟有氣未
除碑壘費推排嗟乎時不遇慷慨以傷懷出亦復苦愁
入亦復苦哀所爲行拂亂萬變多參差事去每生悔物
來仍見乖生平疾惡嚴羣小相嫌猜已厭禪中蝨更憎

井底蛙九狐走閃爍三狗吠厓柴恨無尚方劍安得浪
沙椎願置十地獄并借六丁雷思之忽大笑斯言得無
歎天地本無邊吾生終有涯往者不可挽來者焉能追
世網紛糾纏猶如飄氛埃惡聲與惡色何足擾靈臺君
子三自反橫逆由爾儕忍辱波羅蜜佛言亦復佳唾面
固自乾尊拳豈敢回袒裼裸程者油油與之偕玉皇既
可對乞兒也堪陪愁眉自然解笑口爲之開鍊此鐵石
腸庶保土木骸勇哉氣矜隆不過壯士材藏身忌舌戰
學道在心齋四端一時絕方寸卽蓬萊

聊城

良齋倦臺

卷三詩

十一

扁舟當暑泊聊城偶得空園散髮行高樓祇見風帆影
叢樹稀聞鳥雀聲垂老何堪嘲熱客窮途真欲厭浮生
水哉亭子夢遊在滿沼芙蓉涼月明

東昌返棹

官船卸却換民船兩日纔能坦腹眠

兩日昌也

苦海幸離黑

懶去野田欣共白鷗還迴颿罷聽鐃吹開下閘徐看竹
纜牽始信吳江葭葦裏漁歌欸乃更悠然

舟中闕定中六弟神木所寄詩悵然有懷却寄二

首

江南一望白雲天何處秦關屈野川春草祇憐客夢斷

秋風空倩雁書傳對床夜雨長千里分手家園忽十年
正是孤舟人不寐新詩讀罷自凄然

我嘗從事歷邊州爾亦單車向隴頭骨肉那堪垂老別

肝腸同結異鄉愁但逢知己鳴長劍弟詩有獻張晴峰兵憲之作莫

厭微官歎敝裘何日政成馳傳去燕臺暫作竹林遊珍見

都在

新河以水激流為利八閘從歷盡三山人

小舟當六月大雨出黃河此地新開就行人利涉多工

成萬戶息水到六龍過白首重經險淒涼聽激歌

露筋女子廟

良齋倦橐

卷三 詩

十三

露筋奇節實堪哀紅粉親罹白鳥災神若有靈驅滅盡

如何百里反成雷

渡江

長江無六月夜泊覺微寒八閘銷魂盡三山入夢看歸

心流水急失路順風難可笑逢人少空磨短刺殘自清江浦

維揚京口訪人皆不遇

逆風

日日長年百丈牽揚帆羨殺順流船勸君只是家居好

吹盡南風自北眠

寄張晴峰少參

漢京雅重張平子曾聽雷榘雜弄聲文旆久看七里瀕

督學兩浙使車今到五原城遙知塞外無烽火盡說胸中有

甲兵我托雁行頻寄訊南樓風月好逢迎

晴峰爲水部時蓄一雷榘子在長安見之嘗題二絕
附識于此昔日雷公風雪中斷成松雪寄焦桐今朝
携向幽窗下謾認還彈風入松水部當年詩思賒援
琴自應寫梅花何須碎向長安市但和悲歌過酒家

宋文森六十雙壽

及第心空勝甲科鹿門偕隱有龐婆世家何必稱丞相

公案要須問佛陀白社花開參慧遠青山葉落老維摩

頓然悟徹無生義千劫紅塵等剎那

文森學佛

瑞燕行爲趙節母賦

良齋倦臺

卷三詩

三

君不見姚玉京矢苦節年年孤燕傷離別生前紅縷伴

君房死後烏衣殉君穴涇陽亦有趙家婦手剪青絲納

夫樞沐雨飡風七十年生有白頭下黃口空閨寂寂燕

飛來宛頸獨宿鳴聲哀秋去春歸信不改終當守汝青

陵臺吁嗟乎陶嬰黃鵠悲早寡衛女雉飛精魂化趙家

瑞燕此其亞他年紫鳳更銜書集向烏頭雙闕下

趙守節三十餘年有燕巢于室失偶孤棲累年不
易人謂貞節所感稱爲瑞燕今其子濬成進士

聞毛大可得意戲賀二絕

果然老蚌出明珠笑看狂夫脫帽呼縱有河東獅子吼

此時化作穀於菟

洗兒指日便摩空
吾輩應成百歲翁
努力著書三萬卷
他年口授小毛公

己巳除夕

一卷殘書一炷烟
蕭然枯坐度餘年
錦堂貴客豈堪此
齋鉢閒僧或過焉
滄海風波回夢後
梅花消息到樽前
朝廷方下蠲荒令
可許推恩及硯田

長齋餘愛

卷二詩

十四

良齋倦橐

詩集卷四

長洲尤何著

庚午詩

四十八首

庚午元旦

絳人歷數幾春秋

今年七十三歲

高臥田園儘自由已守堯夫

四不出還依表聖三宜休山中屢閱浮雲變川上閑看

逝水流可笑野夫衰憊甚尚穿朝服拜宸旒

是日千圓妙觀

朝賀龍亭

哭曾孫痘殤六首

春信初開第一花霎時風雨委泥沙從今任作封姨惡

良齋倦橐

卷四 詩

一

那管陶家與李家

嘗咏南山種豆詩如何一頃落爲箕燃箕煮豆難銷恨

不見紅花結子時

玉雪嬌兒絕可憐常時嬉戲小堂前綵衣繡襦猶遺弄

忍看金錢化紙錢

老翁顛倒哭嬰孩雙淚模糊眼不開早起怕將青鏡照

阿誰更挽白鬚來

來何忽忽去匆匆生死悲歡彈指中纔解啞聲便斷

耳邊不聽喚公公

汝到泉臺告冥官憐兒無罪再生還舊家庭院依然在

好向桑間探手環

題李東山小像

圖中老子與婆婆小劇何嘗廢嘯歌
恰住山塘三里半
白公隄畔月明多

無花無酒過清明四首

無花無酒過清明只有窻前啼鳥聲
啼鳥自啼還自歇
更無人與和嚶嚶

無花無酒過清明芳草淒淒風雨生
幾道裙腰消折盡
大堤誰唱踏莎行

無花無酒過清明寒食無人喚賣錫
惟有紙錢能化蝶

良齋倦臺

卷四詩

二

白楊風裏繞佳城

無花無酒過清明玉樹彫殘剩幾莖

庭前玉蘭半枯

我弔樹兮

樹弔我謝庭何處覓香嬰

庭前開牡丹一朵嘲之

玉樓一朵出書窻
笑殺花神沒面龐
寄語姚黃與魏紫
從來國色本無雙

求孫北上送之

昔人嘗有言中年傷哀樂
每與親友別輒作數日惡
何況白頭翁形影日寥落
一子滯金門微官受羈絡
去年送帑來舉家食藜藿
汝今往省親千里走六駁
孺慕戀

庭闈壯遊覽京洛鼓篋入辟雍秋場競文角桑弧四方
志豈必守丘壑顧念吾衰甚膝下添離索大家團圞頭
倏忽天涯各暮春三月中小園遍花萼陌上羣鶯啼池
間細魚躍愴然分手去對酒不能酌已覺老人懷翻愁
兒輩覺送爾惠山渚東風扁舟泊行遣心搖搖懸旌靡
終薄乃知古別離良非偶然作太上本忘情人生總難
度聚散復何常寧比同林雀獨寤自優游獨行亦盤礴
雖無草玄書庶幾耽寂寞

有感偶成

一隊黃鸝兩部蛙閑居終日開誼譁思尋世外逍遙散

良齋倦囊

卷四 詩

三

怕見人間富貴花殘月斷雲都似夢孤燈半枕不成家
餘生已學蜘蛛隱寄謝門前白鼻駒

毛大可招飲湖舫同錢官聲倪魯玉聶晉人二首

偶逐良朋載酒遊風來水面好勾留榜人指點蘇堤畔
尚繫迎鑾雲母舟

十里荷花柳七詞至今猶放兩三枝此中消夏差堪可

高臥孤山月上時

題高澹人學士蔬香圖二首

暫辭祿閣隱當湖小繪春山老圃圖爲愛葢根能解渴

玉堂猶記伴冰壺

飽啖天家櫻筍厨歸來戲學灌園夫因風笑問金門客
可識東吳長柄蘆

題饒峻生葬親冊二首

沙場百戰故將軍馬革何妨殉舊君獨有孤兒今白髮
哭包黃土築秋墳
荒草茫茫誰蓋棺鐵衣石馬殞官寒爭持雞酒酬忠孝
莫作尋常掩骼看

鳳凰不如我

禽言

鳳凰在丹山百鳥畢賀俯視鷦鷯形何瑣瑣鳳凰謂鷦
鷯曷不刷爾毛振爾蹠從我青霄下鷦鷯謝鳳凰力未

良齋俗豪

卷四詩

四

能也且不可一朝天風大鵬摩空毀我竹實折我梧桐
鳳凰去丹山百鳥亦散而西東彼鷦鷯者猶飲啄于林
中林中雖餓得過且過幸無網羅差免恐怖寄書鷦與
蝸鳳凰不如我

金漢廣六十

丞相當年漢世家翩翩公子最豪華貂蟬夜宿金鑾仗
羽騎春遊杜曲花椽燭賓筵催舞隊板輿官署看排衙
而今老去閑無事笑共仙人醉九霞

壽醫者

集藥名

天南星極自然同伎到神奇草木通萬石家風惟厚朴

九齡氣度獨從容
桂枝香發葳蕤紫
竹葉光浮琥珀紅
共羨先生首烏好
青山應笑白頭翁

白頭翁見本草

八月十九日曹荔軒司農同余淡心梅公燮葉桐

初過揖青亭小飲拈青池二韻二首

點綴乾坤一草亭
逢迎賴有遠山青
秋來已是七八月
客至恰如三五星
最戀斜陽移古道
細看落葉間浮萍
人生邂逅須行樂
只讀離騷休獨醒

老圃原于野性宜
西園公子肯來遲
不嫌張翰尊羹淡
偏愛陶潛菊徑欹
禾黍當秋都覆岸
芙蓉向晚尚臨池
殘樽未了催燈火
收拾詩囊付畫師

曹公許令畫師作圖

良齋倦囊

卷四詩

五

九月八日同錢飲光周競菴吳慎旃飲揖青亭再

登前韻

子美滄浪昔有亭
至今山色尚餘青
秋風昨日過寒露
舊雨今朝聚客星
老景祇應看落水
生涯久已付浮萍
白衣誰送陶潛酒
且醉村醪免獨醒

預借登高卽事宜
菊花何意尚開遲
田間有客樽常倒
座上無風帽自欹
天際烟霞秋倚杖
世途人馬夜臨池
閒來猶向長安望
聞道燕山正出師

八忘詩

不學耄將及讀書每健忘
典墳遺半部風雅闕三章年

紀訛庚甲人名雜漢唐任他魚豕誤掩卷總茫茫忘詩書也

八載歸田後宦情都已忘不知黃閣老豈作白頭郎角

帶渾銷束巾車亦罷裝縉紳成棄物願逐老農行忘富貴也

聲色原無染老鰥更易忘琴箏絃斷絕雲雨夢荒唐羹

酒寧知味椒蘭不辨香閒情何處賦刪却艷歌行忘聲色也

閉戶交遊息相逢旋已忘烏衣年少客白髮丈人行對

面猶能識呼名疑未詳曹劉與沈謝只好暗思量忘交遊也

既往何須問將來亦漸忘千金難鑄錯獨木不成梁追

憶翻遺恨拋除似覺長生乎朝暮事回首已滄桑忘事故也

恩仇何足較道德自相忘受寵貪魚餌爭名鬪蠱芒覆

良齋倦棹

卷四詩

六

盆隨日照飄瓦任風狂冷眼看蠻觸乾坤一戲場忘恩怨也

借問愁何許無如樂以忘三杯呼太白半枕伴羲黃戚

戚憂天墜昏昏慮日亡總堪成一笑不及老夫狂忘憂患也

墮黜聰明盡齋心到坐忘海翁能狎鳥臧穀可亡羊略

似蒲團定非同舟壑藏從今我喪我何有自名鄉忘身心也

遙題泛月樓二首

遠望吳山倚石湖高樓良夜月明多問君泛月從何處

寶帶橋頭唱棹歌

豈好樓居願學仙紅簫隴下白牛眠外人到此應迷路

百尺楞伽起暮烟

十月十一日曹荔軒余淡心葉桐初董觀三水哉

軒小飲是日大風微雨和淡心韻二首

昨日斜陽今日風與君把酒對寒空誰能唱和竹枝曲

諸公和子亦園竹枝詞

聊可淹留桂樹叢阮藉公榮堪共醉子雲

司馬本同工他年此景成追憶人在深燈細雨中

背秋又見雁飛過蕭瑟涼飈落敗荷常怪畫家風景少

書有雨景雪景無風景

最快詩客酒情多維憂用老姑安坐不醉

無歸止隔河翻念關山人沐雨檣烏水馬滿江沱

有夢二首

老來久矣斷閒情猶逐天風到錦城庭院沉沉香霧冷

良齋倦囊

卷四 詩

七

剛留一笑話平生

三十年前鶴夢賒依稀繡帳見容華無端一念塵緣在

罰作人間蝶戀花

冬日漫興

北風虜發撼吾廬一老婆安自索居仲子久刪樂志論

山公近報絕交書衲衣齋鉢同方外藥椀繩床尚病餘

聞道金門歸思切漫教白髮費躊躇

奕棋

聞道長安似奕棋方圓動靜有誰知玄黃互戰成雙殺

黑白分門尚兩持鐵網勢張爭道險輓轡劫急應兵遲

南風不競由來久袖手閒看罷局時

題程言遠繞梅書屋圖二首

山中誰築書城春風吹出梅精應有幽人來往臥看月
落參橫

梅花亦愛吾廬主人相對攤書他日林逋過此提壺好
歇籃輿

十二月重得曾孫志喜

此日非熊真再來金鑲猶在復投胎吉祥夢應添丁口
歡喜詩成進酒杯簷際聞花鵲噪雪中早見玉梅開
小同更好逢司馬定有相如續賦才

曾孫牛生
與予同

良齋倦囊

卷四詩

八

庚午除夕

天教老子足癡頑消受餘生賴有繆了悟相還無相外
置身材與不材間世情寒熱渾如病客夢悲歡尚未開
掀破曆頭成一笑今年已過仲尼關

詞三首

梅花 減字木蘭花

雨顛風惡年年來赴梅花約索笑何時老我相看各淚
垂 閑房獨坐只向胆瓶留幾朵閣筆遲遲見說梅花
不要詩

題方西白采藥圖 菩薩蠻

青山綠水桃源路偶然采藥隨風去劉阮已遊仙此郎
更少年 前村逢女伴小住胡麻飯花發燕交飛問君
歸不歸

壽曹子清織部 瑞鶴仙

當年曹子建向鄴臺擬古洛川思艷君身恰重轉又垂
翎帳殿鳴鞞沙苑 君王親遣織璇璣吳門疋練早彰
施日月山龍補就袞衣巍煥 還羨錦心繡口巧奪支
機天章雲漢閒情遊覽綠樹底青山畔問秋風乍起重
陽近也正值海籌添算待傾盃摘取茱萸龍山高宴

辛未詩

七十四首

良齋倦愛

卷四 詩

九

辛未元旦

爆竹聲殘曉夢回蓬門積雪向晨開太平曆上春將至
長吉詩中官不來昌谷集有官不來詩萬事總輸棋一着百年已
到酒三催東風爲我勤馳檄花信先傳渡口梅

宋文森示歲交詩多出世語走筆和之

寒氷朔雪腹河堅誰駕虛空般若船但見眼前都是道
須知心外別無天三千世界歸游戲五百阿羅笑坐禪
試向今宵圓夢去聲聞應借曉鐘傳除夕

人生何怨亦何恩隨分朝餐與夕飧杯泛屠蘇宜薄醉
爐燒檮杌定奇温生公點石興妖怪愚叟移山誤子孫

解道養心真第一楊雄猶識美靈根

元旦

春朝偶成

縮縮寒窻似蟄蟲今朝喜復見春風吟殘旅雁青天外
夢醒梅花白雪中賴有好書攤左右幸無俗客鬧西東
兔羹鹿脯貽來遠煮酒貪依爐火紅

兔羹曹使君所貽鹿脯京中所寄也

哭六弟定中八首

我年六十汝歸家猶記稱觴鬢未華屈指明年君六十
可憐旅櫬落天涯

薄宦邊關路四千遙遙北地望南天經年飛雁猶難到

那得妻孥在眼前

艮齋倦橐

卷四詩

十

絕塞愁時劇苦寒每從家信勸加餐如何竟死傷寒症
寒到窮官買藥難

衙舍蕭條巷哭深四愁平子最傷心覆身惟有黔妻被

垂橐曾無陸賈金

道臺張晴峰貽書垂喆下二句卽書中語也

存無長物歿無遺薄命書生真可悲昨歲家僮剛寄俸

蹇驢馱得五羊皮

垂簾終日訟庭清身後空傳廉吏名留取桐鄉遺愛在

九原卽在五原城

十年作客不回頭狐死猶知戀首丘辛苦孤兒扶柩去

招魂還認舊蘇州

夢草依稀七葉堂風吹雁影不成行官山塢裏逢寒食

老淚龍鍾哭白楊

先隴在官山塢

四月十一日曹荔軒同葉桐初程正路朱赤霞過

亦園小飲拈揖青二韻

去冬冰雪堅今春風雨急主人不窺園有客無門入荏苒朱夏初萬樹皆碧色菜花亦已殘餘香尚堪拾高軒來何遲不速三人集欣然陟亭臯洒掃治茗汁孤雲相徘徊衆鳥飛習習驟聞笑語喧田夫荷鋤立小憇却塵囂都忘在城邑倘能一斗醉酒漿正可揖

揖通作把荀子拱把

天地何偏側萬事徒勞形守此一畝居終日柴門扃草

艮齋倦臺

卷四詩

十一

木漸暢茂池際聚浮萍當食棲鳥下將歌遊魚聽偶然一壺酒獨醉還獨醒何意處士谷忽來郎官星幸無車馬喧不驚草堂靈素心相與偕林下風冷冷薄酒亦不辭聊以發沉冥日暮且休去遠山尚餘青

淡心過揖青亭閒話賦詩二首和韻

幾天風雨得晴明乍見枝頭坐小鶯老去最憐新綠換閒來始覺軟紅輕只今富貴成藤葛自古英雄寄蔓菁半日清談殊未了西山又看暮雲生

爾我相看並老人往來扶杖近如鄰無錢沽酒難消渴有興吟詩但率真紅槿日移剛照影青蘋風起便揚塵

草亭納取乾坤在留與他年傳逸民

贈金都督

天漢家聲出柁侯一門文武拜 王休召公疆理稱來
極方叔師干表壯猷玉帳星寒驃騎夜金壇風勁角弓
秋只今江左無烽火閒共參軍數酒籌

題朱翁像

勾漏仙人本草經抱棗彈破小山青老來愛伴長松臥
記取千年採茯苓

題錢大宦烟霞載詩二首

當年曾賦兩都詞夢斷吳閭載酒時留得烟霞丘壑裏

良齋倦棠

卷四 詩

十一

秋墳鬼唱故人詩

嘗思書畫米家船大宦烟霞亦可憐歌扇舞衣何處去
滿天風雨上沙田

贈寫真凌遙集 名雲

爭疑讀賦慕相如却笑遊囊比阮孚憑君截取虎頭手
畫我老人丘壑圖

偶檢杜白兩所畫金門待漏圖漫題三絕

內殿曾陪豹尾班野風吹落鬢毛殘夢中猶記朝天路
陣陣烏鴉報曉寒

鳳闕岩巖北斗斜十年去國宦情賒朝衣卷却成何用

只好東鄰典酒家

題李長蘅畫

先輩風流絕調孤
一生寄興在西湖
偶然寫出湖中景
得似檀園水木無

題勞古愚像

一老婆娑倚石門
蒼松生子雀生孫
手中更乞仙人杖
拄到蓬山飲上尊

題高淡遊畫二首

恨不前身作畫師
青山滿屋影參差
今朝得見高洵筆

正是鳴琴欲響時

高洵南宋畫家
見圖繪寶鑑

良齋倦橐

卷四

三

閒居偶閱宣和譜
欲取羲之配愷之
不信丹青無韻脚
請君寫出畫中詩

王阮亭侍郎西城別墅十二詠

石帆亭

山亭一片石蠹似
峭帆張北風吹五
兩應得到漁洋

樵唱軒

郭東亦有樵郭西
亦有樵兩樵迭唱
罷月上層軒高

半偈閣

千偈不爲多半偈
不爲少虛閣寂無
聲天籟出林杪

大椿軒

人愛大椿長我愛大椿香採之佐晨羞白華曜高堂
雙松書塢

蒼松影千尺老子猶龍乎兩公三十六豈羨五大夫

小華子岡

雜樹隱平岡月明響行屐小犬不敢吠旁有虎頭石

小善卷洞

移取國山洞玲瓏玉柱中更能施菴畫還可引張公

春草池

我夢東山池綠遍江南草何事馬蹄忙踏破長安道

三峰

艮齋倦棠

卷四詩

十四

一拳怪石供橫側作三峰朝看杳靄處便有白雲封

嘯臺

長嘯久無人高臺何寂莫一爲梁甫吟橫空叫黃鶴

石丈

咄嗟丈人行頽然道邊臥拜之復何堪只合提壺坐

竹徑

曉入篔簹谷蕭瑟如風雨欲尋竹下人曲徑不知處

西堂讀書處十首

西堂讀書處晏坐最爲宜
目在垂簾地心當掩鏡時
忘機誠有道觀化信無私
千載羲皇上悠悠令我思

西堂讀書處高臥最爲宜
懶癖常如此神遊或有之
百年空變幻萬物任推移
至道原無夢何須化蝶爲

西堂讀書處緩步最爲宜
繞屋孤雲捲巡簷百草垂
山光落我手鳥語解人頤
俯仰差消遣安車未足遲

西堂讀書處獨處最爲宜
贈荅形和影徘徊畫與詩
維摩長掩室袁尹漫披帷
近日交遊絕無煩謝客辭

西堂讀書處消夏亦相宜
日出芙蓉水風來楊柳枝
桃笙老婢捲蒲扇小奚持
典到還扶杖濯纓向曲池

西堂讀書處耐冷亦相宜
紙補天花板烟燒地骨皮
乳香侵茗椀冰凍折琴絲
喜積空庭雪如親姑射姿

艮齋倦橐

卷四詩

五

西堂讀書處素食亦相宜
莊子三餐後韓生一飽時
黃齏聊厭口翠柏莫攢眉
借問行珍館寧無腹負嗤

西堂讀書處薄醉亦相宜
眨眼鷹鳩化驚心蝸蚌持銜
杯忘混沌浮白笑雄雌
猶有閒爭在林間一局棋

西堂讀書處種樹亦相宜
木號支離叟花稱窈窕兒
月中搖翠帶雨後洗胭脂
更咏離騷句殊深香草思

西堂讀書處采藥亦相宜
丸作梧桐轉膏流芍藥滋
冥蒙堪養目呼吸自調脾
此後書休讀當求無字醫

舟至崑山

扶杖來登鴨嘴船西風又是晚
秋天漁翁斲蟹沿溪岸

農子筮禾下水田霜色早侵紅樹裏山光正落布帆前
不堪回首西州路樽酒平生四十年

時甲立齋相公之喪故感及之

經宋文恪公墓口號歎之五首

可歎同朝兩相公一時埋骨九泉中扁舟獨弔西風裏
剩有當年白髮翁

廣平渾穆榮華甚東海清剛憂患多畢竟同歸三尺土
後人史筆定如何

山陽聞笛最堪哀日暮牛羊塚上來猶記少年燈影裏
酒樽書卷共徘徊

宦海沉沉三十年首丘始得謝班聯故鄉魂魄應歡喜

艮齋倦橐

卷四 詩

去

綠水青山好墓田

佳城鬱鬱擁堤沙我視其旁可萬家何似孤山林處士
一堆荒草伴梅花

寄壽薛梁公侍郎并華麓太守

昔我同年生開府皖江渚子從長安歸扁舟此延佇握
手追古歡銜杯剪燈語仰觀龍山高遠望海門巨薛公
鎮其間江山自鼓舞返駕過秣陵令子復相遇人稱小
薛公叅軍少年許江北亦有風江南亦有雨上異哉君
一家皆爲我明府 璽書自天來召公貳秋部并遷郡
司馬 命典宋州去遂使吳野人寂莫寡儔侶荏苒六

七年相思歷寒暑客從商丘來述公在官署板輿方優
游飽啖且安步今年正七十精力壯強伍堂前二千石
捧觴壽阿父父曰汝飲斯三十汝初度父子迭相壽斑
爛誼兒女人謂公喬梓合成百歲數可繪人瑞圖應註
天仙譜予聞心踴躍恨不身飛羽婆娑白髮翁灌園徒
自苦何時携一樽與爾醉南浦翻然憶舊遊重話巴山
雨去

梁侯去思歌

梁侯爲宰一年奇才如霹靂當天馳水晶燈籠照九達
發遣案牘無停期鐵判南山屹不移手操三尺記惡碑

良齋倦臺

卷四詩

七

剪除荆棘捕狐狸獲其大首要囚之魑魅迸奔蕩靡遺
里巷把酒歌呼嘻雞鳴刷羽狗生羗蠶方三眠麥兩岐
名父杜母舍公誰胡爲奪我神明師鐙可截兮鞭可麾
使君一去安可追吳山青青吳水漪梁侯之名千載垂
我思梁侯不可支吁嗟梁侯何勿思

題畫十二月景

風信初開第一花南枝端正北枝斜參橫月落黃昏後

翠袖携來萼綠華

梅

上林錦樹倚雲齊十里紅塵趁馬蹄最愛烏衣雙燕子

春風婀娜自高低

杏

一片紅霞媚遠天，千層錦浪照晴川。眼前便是桃源路，何必重撐漁父船。桃

天香國色醉東風，繡幕雕欄供奉中。人說花王真富貴，

早朝先掛御袍紅。牡丹

海榴吐火結紅巾，五月釵符照眼新。恰似當年石措措，

定風旛下現全身。石榴

水晶仙子步凌波，波翠蓋紅衣。丰韻多何處，招商歌一曲，

漢宮爭看夜舒荷。蓮

城王芙蓉石曼卿，靚粧髯見瑤英。晚來倚徙秋江上，

獨伴漁舟對月明。芙蓉

艮齋倦索 卷四 詩

楚騷蘭桂每同辭，如桂棟蘭檉桂 檉蘭桂之類香草香華並擅姿。不

向王孫山裏種，定從帝子渚邊滋。蘭桂

屈平澤畔嘗餐此，陶令籬間一采之。堪與幽人交耐久，

荒園也放兩三枝。菊

橙黃橘綠爛如雲，南國香囊霜後分。珍重右軍三百顆，

山中千戶洞庭君。橙橘

正是天寒日暮時，梅妃初着淡黃衣。還餘細蠟凝香粉，

欲傍瑤林六出飛。臘梅

虬枝夭矯傲霜寒，百歲應同古老看。天與蒼髯添艷色，

石欄更長鶴頭丹。松下山茶

卜地四首

十年卜地總茫茫
偶見牛眠鷓子岡
最喜官山傍
先隴白雲親
舍永相望

七十餘年草草人
秋風何處買詩墳
只今生壙經營了
便作陶潛自祭文

苦憶亡妻屬纊時
十年淺土殯宮遲
今朝手植青松樹
爲爾重歌薤露詞

問渡橫塘路不遙
參差九里十三橋
來春先與梅花約
鄧尉山前繫小舸

艮齋倦藁

卷四

詩

一

壬申詩

五十九首

雨窓作看花行

世人看花祇好名每過驚蟄尋官城

名梅

大船捲梢小鴨

嘴紛紛都向西山行馬家山錢家坎十里平蕪香雪滿
昨日將軍豎酒旗今朝太守催歌管花間喝道從如雲
馬蹄蹋碎瓊瑤瓣多少王孫公子行提壺擔榼徧排場
醉扶角妓登元閣倦挾雛僧闖佛堂士女成羣往復返
籃輿儻忽東西轉遊人未識梅花面梅花豈顧遊人眼

良齋倦橐

卷五 詩

間有山中閑散人芒鞋竹杖漫探春無酒無肴終冷淡
有風有雨倍酸辛嗟哉梅花苦遭酒徒俗其次又受詩
魔辱花神厭殺看花人那得不教風雨逐西堂老翁脚
力短一生不帶着花福兼之兩眼日昏騰疎影橫斜漸
迷目以此高臥不出門孤負佳人在空谷幽居鼻觀尚
能通頗覺小庭香馥馥開窓一樹爛然陳氤氳如烟色
如玉把書相對共徘徊呼酒澆之興已足辟如六官粉
黛三千人專房只許楊妃獨嗟哉梅花不幸生于西山
麓南枝向暖北枝寒送往迎來徒僕僕寄語看花諸君
子不如迴櫂還家宿君不見梅花落盡桃花開遊人又

上盤螭來

盤螭山種又文
桃最盛合共賦云

題桃源圖

昔讀桃源記今觀桃源圖桃源好景人間無紅樹繽紛
芳草舖人烟雞犬聚菰蘆黃童白叟羣歌呼忽驚漁翁
一棹至衣著雖同言語異相要酒食話寒暄避秦不省
今何世爲問祖龍無恙乎那識曹瞞與劉季却謝漁翁
歸去來滄桑滿目令人哀此中耕鑿頗自得世外風塵
何有哉他年乘興還相訪洞口依舊桃花開桃花開桃
花謝流水潺潺夕陽下徑路蒼茫迷四野漁翁鼓柁竟
何之此後從無問津者吾謂漁翁休問津君不見子路

良齋倦棠

卷五詩

二

當時遇丈人纔逢荷篠至又看植杖耘日暮留客草堂
宿隻雞斗米供盤殮室中二子儼侍側寧無西舍與東
鄰明朝踪跡不知處回首青山空白雲大抵神仙好游
戲倏來倏逝總非真今觀此圖重惆悵眼中難覓武陵
春若問五柳先生但微笑我亦偶做一篇論語文

彭訪濂太史招飲看杏花

春風初放杏壇花一樹芳菲倚日斜尚傍梅梢霏白雪

早先桃萼爛紅霞親朋共賞歡樽酒少長相看惜歲華

太史云二十年前偶落一
子今成大樹已尋丈矣 自是草堂幽興好旁人莫認
狀元家 俗有一色杏花狀元
歸去之語故戲及之

小園漫興

久不窺園三徑遮偶然散步惜春華愁眉乍對風前柳
老眼常看霧裏花野鳥自飛如過客青山相近卽鄰家
正逢陌上清明節鬪草時聞兒女譁

清明後一日省墓至官山

清明芳草綠無涯未盡桃花夾菜花一路帆檣眞水國
半村籬落似山人過社後呼新燕樹老墳頭叫暮鴉
何限白雲增悵望年年倚杖踏平沙

二月廿八日揖青亭看菜花作同曹荔軒彭訪濂

余廣霞梅梅谷葉南屏朱赤霞郭鑒倫

良齋倦臺

卷五詩

三

奇絕南園香十里黃金散盡曼陀華湘纍空弔江頭葉
朔客休疑塞上沙茗飲清談須我輩酣歌作劇任他家
時有歌于花間者可憐不入詩人詠辜負春風日放衙

贈梅梅谷次韻

我有仙家瑞露珍與君斟酌問詩神高風不減魯連子
妙伎兼長秦越人鄉里相逢都白髮京華一望滿紅塵
江南草綠雜花發隨意閒吟過暮春

桃花二首

一宵風雨打枝頭萬點桃花逐水流留下膽瓶顏色好
可知家裏得無愁

桃花未放菜花黃
桃花已落菜花香
千紅萬紫風流盡
不及田園趣味長
劉夢得詩桃花淨盡菜花開今桃花未開菜花已黃矣又老杜詩桃花細逐楊花落桃花在二月楊花在四月豈同時乎詩人之言不足信如此

牡丹二首

江南穀雨天牡丹
爛如錦朱門鬪豪華
張幙日酣飲食家
只一株寂寞空庭冷
惟遲明月來照見紅妝影
牡丹富貴花一朶
千金價護惜不勝嬌
纔開忽已謝
旁有野薔薇千枝萬枝
亞雖多人不憐
自老牆陰下

蕙蘭二首

春蘭何必減秋蘭
百晦應同九畹看
昨歲玉鮪皆凍死

艮齋倦憂

卷五 詩

四

怪伊不怕雪霜寒

楚辭云秋蘭兮青青綠葉兮紫莖又云春蘭兮秋菊長無絕兮終古然今

人重蘭而輕蕙以價有貴賤耳玉鮪建蘭名

一幹花開五六枝
叢生恰值牡丹時
世人但愛紅顏好
竟體清香那得知

老至

老至真無奈
愁來忽不禁
眼花常擾擾
耳雨復沉沉

以耳鳴為耳雨 人事如占夢
家書祇攬心
自來詩興少
擁鼻漫

行吟

俚語

春去秋來隔夜愁
朝三暮四幾時休
人皆呼我為牛馬

我尚爲人作馬牛黃閣儘多金骨朶青山只剩土饅頭
百年帳簿千盤算總付癡翁一筆勾

吾年七十五

有序

予甲寅年做白香山作吾年五十七詩落句云醉臥
六千日醒來七十五初謂歲月遙遙聊爲戲語豈意
一彈指間忽焉已至哉偶爾念及不覺矍然復次前
韻以記今昔悼時感物情見乎辭

吾年七十五儻忽移子午人賀西堂翁高年受天祐但
知食蔗甘豈知食栢苦老鰥獨寐寤顧影無人語空自
羸其餅誰能與之釜缺陷良已多蹉跎將壽補辟如白
良齋倦囊

卷五詩

五

頭軀寧堪作睂嫵雖有巧廚娘難取白水煮孤舟每畏
風破屋常愁雨飢來咽塵羹醉去槌石鼓世事火厝薪
人情金重羽疑影眩杯蛇訛言驚市虎努力守田園關
心繫兒女感慨話興亡徘徊商出處采藥想山阿持竿
望江渚養疾伴烟霞送窮閱寒暑猿鶴或相親巢由倘
垂許百歲逝如流一身寄于旅君子不怨天小人祇懷
土閉戶信悠悠哉城南近尺五

予門闌有城
南尺五四字

鱸魚歌

魚吾所欲誰最美惟有鱸魚多且旨楊花初落櫻桃紅
三月東南風信起漁人駕扁望洋開波上有聲常側耳

無數黃頭拜浪來一網牽之百十尾滿船潑刺旋倒僵
預載堅冰護其體須臾挑擔入城市街上兒童動食指
老饕聞此也欣然買付廚娘作膾子調和醯醬上臺槃
一獸而散不停七酒旣醉矣飯旣飽捫腹果然斯可矣
吾聞臨海異物志大曰春來小口水枕中雖有石頭城
通身無骨柔莫比同時鯧魚亦可憐相傳前生是娼妓
輕薄祇堪充下陳瘦妻安得笑肥婢吳中海錯足擅塲
不數鱸鮓與魴鯉那知江神妒入宮又產鱗魚出江汜
形如大貝色如銀肉細如絲味如薺渾身是箭有誰嫌
偏借皮鱗結唇齒華筵登俎價連城遂使鱗魚竈下死
良齋倦豪

卷五

六

君不見江南一騎進鮮來御庖早報 天顏喜

圍碁歌

兩軍初對壘走馬紛紛起整整復斜斜飛鴈落平沙複
嶺連岡中忽斷東西各割鴻溝半肥邊瘦腹已分疆奪
角衝關又交戰緩似春蠶爭食葉急如秋鷄當空掣強
類霸王欲并吞弱同降將惟求活齊一變今魯一變背
綽斜飛勢屢換金欄鐵網玉屏風闔闔縱橫貴多算六
月園林日正長兩人坐隱松風涼但聞丁丁子聲落不
知局上幾滄桑方者碁盤圓碁子動者碁生靜碁死旣
生倏死死重生生死循環悟妙理推枰一笑吾何知勝

固欣然敗亦喜

後園碁歌

世人黑白不分明請看碁家雙眼睛莫怪劫中常好殺
要從圍內去求生一十九行半張紙一百八十無多子
饒三綴五且休提先天一著落那裏古人造碁良有意
相對坐忘天下事滿堂賓客口懸河獨有手談無一字
吾家奕品苦太低烏合野戰無兵機休把輸贏爭小墅
謾將冷煖問高麗今朝廣場逢國手兩敵相當轉鬪久
搔頭瞠目費踟躕一局辰開直到酉終夜忘眠晝忘食
旁觀欠伸空竚立不如歸去黑甜鄉兩脚碁盤子七色
良齊俊臺

卷五 詩

七

此事不過游戲耳介甫之言亦有理本圖適性以忘憂
如此勞神姑且已

寄懷高澹人詹事

一水相望悵索居山中宰相近何如門開蓬徑無遺客
帳祕琅函有 賜書江左烟花歸北墅天邊風月憶南
除可知吳下支離叟已脫羊裘學釣魚

題鄭破水梅花書屋圖

不識鄭子真何年隱谷口繞屋梅花中獨坐對樽酒月
落參橫昏佳人肯來否

題吳季舒白鴈賦 二首

海叟詩篇久擅場吳生一賦更翱翔書齋留下差池影
不羨江東王謝堂

乍見旋歸跡已稀道他祥瑞是耶非明知不是烏衣巷
獨認山人是白衣

酬李元公

何來石艇子仙洞出金華命駕輕千里吟詩滿一家衣
冠餘綺角笑語帶烟霞臨別還持贈安期棗似瓜

題高詹事梓花圖和紅雨山房原韻

二十四番風花信殊未竟春華已銷歇夏木轉清勁草
堂靜無塵蘭渚明如鏡正愛新綠遮乍訝小紅映開萼
良齋俸囊卷五詩人
旣翻反落英亦縱橫輕泥罨蝶鬚重茵掩鶴脰主人弄
筆閒坐客飛觴競我獨重梓材濟川需說命豈徒伐琴
瑟寫入楚宮詠

詩云維桑與梓梓乃鄉里間物而吳地有桑無梓何
與予往在京師宛平公怡園中僅見一本爛然可觀
今北墅多至十餘株美哉希有矣慕廬學士嘗醉其
下歸而詫予亡何詹事以此圖寄示展玩芳菲流連
不已隨和紅雨山房原詩題後惜乎予之未至斯園
也雖爲梓人所欣慕焉

詹事寄新茶有龍井峒山二種并題畫卷見貽和

答二首

詩云摘葉穿雲碧蠟間焙成好破一春閒平分不用斜封絹驗取來從顧渚山

新葺携來石縫間旗槍初試瓦爐閒玉川七椀渾容易

辛苦天隨自採山

龍井銅官伯仲間品泉恰稱道人閒怪來草屋烟雲滿

買得當湖一幅山

夢中作

攀蘿捫葛路高低屋上青山堂下溪讀曲未終花雨落

白雲飛去五湖西

苦熱

人生奈何許一寒復一暑一寒猶自可一暑逼殺我風

良齋倦棗

卷五

九

力幸有酒可敵霜威且賴綿能裹惟逢三伏最傷人來

日大難愁難躲九天雷雨不敢呼四海波濤誰肯唾八

卦幾時風落山五行是處木生火紅日炎炎不得坐黑

夜蟲蟲不得臥生憎蒼蠅繚繞飛叵耐白鳥吟喝過葛

侯麾扇豈可驅董生下帷終如破我欲赤脚踏層冰否

則解衣盤礴羸袒裼裸裎空爾爲汗淋學士從君做飲

酒食肉固奚堪沉李浮瓜亦未妥老夫此際感濕熱河

魚腹疾苦無那但噉豆粥歡松茶與其飽也毋寧餓署

門謝客慎勿來有書懶看詩懶和何日秋涼病骨輕夢

遊思駕凌風舸適來童子報翁知池裏荷花開一朵

夜起納涼

大暑如酷吏苛政猛于虎日受炮烙刑請君入甕坐汗
馬骨已疲河魚腹重破井泉無休濯蕉扇不停播晝長
夜復然安能高枕臥忽然一夢覺明月照窓罅蹀躞立
空庭光影懷中墮少女微風來露珠滴成顆星斗正闌
干花陰蕨蕤鎖草蟲寂無聲蚊陣亦退左坐久爽氣生
空洞徹肺腑煩憂頓消除宿疾漸安妥乃知造物仁天
心終悔禍日助天爲虐月獨曰不可化此清涼國救爾
炎蒸苦旣登廣寒宮那怕咸陽火此景不易得誰人解
領取每思坡公言明月清風我老子興婆娑且噉蘋婆
果

艮齋倦橐

卷五 詩

十

吳序商餉西瓜二首

消渴相如喜欲狂金刀剖處沁瓊漿天邊空挂匏瓜樣
不及青門一味涼

消夏靈瓜誰解攜丹瓢出自白沙蹊相逢莫問東陵種
應識先生舊號西

病歎

人生年命淺去日常苦多憂患相煎迫歡樂能幾何何
况老將至賤體嬰疾疴閉置牀帷中庭除邈山河佳景
亦有限忽忽風雨過光陰僅分寸百丈愁磋磨昨非今

未是悔恨空蹉跎相忘惟有夢遯世于南柯一夜數十
起不寐寧無叱三黃徒苦口五炁難消摩肌骨漸已削
涕淚翻如沱但見白髮皤焉得朱顏酖欲填精衛石誰
挽魯陽戈人生行樂耳不樂將何那古人好飲酒原非
中酒魔聊以解鬱結一醉不知他鬱結復何益病起且
婆婆吾今學飲酒對酒還當歌

秋旱

田苦逢秋旱人愁值老窮

諺云田怕秋旱人怕老窮

五旬一不雨十

室九常空太白經天上長虹入井中零壇諸道士朝夕
對西風

良齋倦臺

卷五 詩

土

八月十七日彭訪濂李紫翔葉漢章揖青亭小飲

和韻二首

策杖窺園破徑苔蕭條秋氣已悲哉在家節序常多感
對客襟懷且小開野鳥無端爭茂樹晚雲有意傍荒臺
亦知良會非容易明日寧辭載酒來

訪濂許携酒再過

亭臯一望盡田疇且喜新苗報有秋偶蓄濁醪殊潦倒
恰逢好友得遨遊但看南墅開青眼莫對西風歎白頭
明月未升人散去小山不爲桂枝留

十九日訪濂携酒同紫翔漢章再集揖青亭開石

上人亦至疊韻二首

園丁爲我埽莓苔有客招邀亦快哉率爾杯槃隨地設
悠然圖畫自天開青山滿眼思樵谷白月當頭上嘯臺

誰與詩人伴小鳥敲門適有老僧來

昔人詩每以僧對鳥故戲之

朝來爽氣照平疇領略風光占一秋悵望衡陽無雁過
閒觀濠上有魚遊行碁大似排牆脚

予與上人奕

弄酒多應

倒甕頭卽景醉吟堪永日白雲好我也停留

各詩一首和答

月白秋高離恨天空房獨夜自無眠知君寫入商黃調
彈斷中郎第四絃

良齋倦宴

卷五詩

七

幔亭飲酒願相從玉茗知生第幾峰葉葉分開三十六
壺中喜看削芙蓉

苦笋能甜法孰傳一籠載到越江船消閒須識乾滋味
玉版今番參老禪

題傷絃橐三首

有序

予于戊午入京喪妻曹氏哭之過時而悲有哀絃集

越庚申又歿我瑞兒哀復加焉亦有哭子詩文續後

十餘年來忽忽已成噩夢矣蘭陵趙子侶臺遺予傷

絃橐始哭其婦繼哭其子情事悽愴殆與予類撫今

追昔黯然久之哭內二十四首如孫子荆文生于情

情生于文使人淒然增伉儷之重哭兒十二首則又
王夷甫所云情之所鍾正在我輩者耶趙子來索予
序老病傷懷未能下筆聊題三絕以當挽歌

提起哀絃便淚垂少年絃斷更堪悲知君雖有張郎筆
應是無心再畫眉

見說糟糠最苦辛君家已作管夫人

趙子昂婦

可憐他日頌

花誥祇向秋墳化碧燐

一枝紅葬不禁持那更歸來添望思可是夜臺愁寂寞
故教阿母喚嬌兒

題故友金孝章所畫歲寒三友圖

良齋倦橐

卷五 詩

三

松何謾謾竹鱗鱗梅亦菲菲迥絕塵每到歲寒三友在
只今不見歲寒人

釋毀

叔孫毀仲尼伯寮翹季路雖無日月傷殊切風雷懼小
人善譎言君子亦如怒奇詆亂宮商誦訾變蒼素曾子
或殺人直生乃盜婦惹苒誣馬援緋衣謗裴度我生日
南斗箕舌正張布韓蘇皆已然吾輩復誰語橫逆突如
來三反思其故唾面未足校老拳寧敢忤謗書更交加
惡聲無不具猥以白璧姿枉受青蠅污掩耳若不聞拊
心尚多慮因思天地間造物誠無數旣生麟鳳羣何產

豺狼聚短狐射影來
獒犬吠聲去蜂螿猶能螫魑魅
豈堪遇安得八面風埽此千里霧
否卽三尺鐵斬此百足蠹
詩人每疾讒昊天欲投畀非不願
包荒理遣與情恕是非苟不明
恐爲流言誤嘗聞聖人言無毀而有譽
譽固有所試毀則何所據
仁者能惡人其不善者惡

有感

日聽空庭落葉聲
流年颺忽暗中驚
行藏擾擾愁無定
歌哭茫茫夢不明
殘照似隨白髮下
朔風偏向敝裘生
祇應買取中山酒
醉逐浮雲上玉京

苦寒

艮齋倦臺

卷五詩

十四

苦寒行到漸陰凝
我欲行遊病未能
好飲祇貪爐架火
廢書爲怯視池冰
孤眠似作江湖客
素食真同寺院僧
老大俗緣多半減
案頭惟有藥方增

和王異公自壽詩

見說江南多歲星
如君七十正延齡
家傳綠字書規矩
人似青松木典刑
玩世祇當隨爵躍
養生何必學熊經
從今領略烟霞趣
蝶夢方酣鶴夢醒

贈鄧笠卷

善拆字

昔年謝石書文巧
今日鄧生字說殊
穿鑿豈同王介甫
揣摩欲奪邵堯夫
談言微中九章法
極數知來八卦圖

座客驚傳皆絕倒異哉藝術傳中無

送曹荔軒機部移駐江寧四首

朔風滿地起驪歌君不留行可奈何遙望天邊銀漢影
吳門漸少白門多

三載蘇臺駐節時邦人爭咏袞衣詩欲知去後纏綿意
只看機中千萬絲

高旌乍指石頭城重向官衙問棟宇獨恨南園人寂寞
小亭楊柳爲誰青

閒從公府敘琴樽泉石烟霞每共論他日青溪橋畔望
扁舟應憶舊漁村

漁村在婁關外荔軒嘗從小築于此

良齋倦橐

卷五詩

五

戲作二首

聞說陪陽選黛螺停車新婦滿街多月官不獨嫦娥嫁
只怕天孫也渡河

時訛傳制選嫁娶紛紛曾記昔人詩云夜來明月樓頭望惟有嫦娥不嫁

人或改云嚇得嫦娥要嫁人可一笑也

燭影搖紅鼓吹喧朝看出閣暮闌門曠夫怨女登時絕
便是 天家雨露恩

賦得愁人知夜長

問夜長何許人愁較夜多寸心千里繞萬事五更過月
落雞聲急風來燭影摩枕頭時得句翻向夢中歌

瞑坐不覺久俄然雪打圍雖愁寒欲戰却喜白能飛雁
陣排空去漁舟趁晚歸獨持一壺酒醉擬臥柴扉

除夕

敝裘無復舊蒙戎便自蕭然過一冬誦讀久疎聊燕息

步趨漸懶覺龍鍾家中種豆紅花發

曾孫
天花

天上除書黃

紙封

珍兒選
官官贊

已有春風到蓬戶

小除
立春

樂飢蔬水且從容

詞曲

賽神曲 河瀆神

窈窕紫衫兒婀娜紅豆花枝曾孫有喜拜靈祠跂望神

之格思 畫鼓冬冬彩障設椒蘭敬薦瓊卮神面斑斑

良齋倦彙

卷五詩

六

既醉雲中車馬驅馳

九月十三日嚴每齋大戎招同諸君子飲酒看菊

兼觀女伶演劇散曲贈之

画眉序

今日小重陽昨夜西風正霜降看東籬叢菊初綻嬌黃

間丹蘂翠葉交輝聯素萼紫莖相傍陸離五色呈新樣

早氤氳吐馥揚芳

阜羅袍

借問誰家堪賞向辟疆園畔來訪嚴光綺筵已設鬱金

堂華燈並照流蘇帳嘉賓賢主衣冠兩行佳肴旨酒杯

盤百雙漸簾櫳吹送笙簫響

江兒水

門啓歲蕤鎖臺施窈窕妝正黃衣開徧瓊瑤恰白衣
送到葡萄釀更紅衣擁出絲羅障側聽清歌嘹唳垂手
花前疑現花神活像

玉交枝

鶯喚燕掌對秋容一枝艷香名花傾國皆無恙阿誰賦
雲想衣裳新聲繞梁枉斷腸模糊老眼空凝望惱人呵
韋娘杜娘殢人呵劉郎阮郎

川撥棹

良齋倦橐

卷五 詩

七

低斟唱夜如何夜未央我如今痛飲離騷我如今痛飲
離騷餐落英還挹酒漿遡伊人水一方望佳人天一方

尾聲

這回喜殺陶元亮別匆匆轉添惆悵只好醉把茱萸歸
草堂

良齋倦臺 卷六

長洲尤侗著

癸酉詩 一百二十三首

題畫二絕

振衣千仞岡咫尺青天路我思李太白搔首驚人句

濯足萬里流滄溟無窮處我思宗元叔乘風破浪去

喜既庭自興化歸

不見廣平久還家及早春鬚眉猶似舊興致却如新紫

綬是何物白頭復幾人好成招隱討江上共垂綸

登穹窿山上真觀

良齋倦臺

卷六 詩

穹窿真峻極名號故相宜此地開靈觀當年住鍊師 謂施

亮生金繩皆受籙玉局自行碁會訪紫藤塢還尋赤石脂

訪寧邦塢圓石上人

道人何處至十載臥山堆不上拈花寺却登玩月臺 有韓

蘄王玩月居家黃菜葉留客紫華梅更汲珠泉飲無須

索酒杯 明珠泉僅尺許汲水不竭

吾家山觀梅義存携樽小飲同訪濂商霖左君筠

上人

十年不作羅浮夢一昔重尋鄧尉花但見生香與真色

那知浮動復橫斜題詩恰遇隴頭使載酒疑來海上槎

土人于岸上造屋如舟轟飲其中山以吾姓得名俗訛爲馬家山

寄語東君休逐客此山端的屬吾家

入聖恩寺與仁山上人茶話

衆香國裏乍廻翔鐘鼓俄聞出上方花雨正開佛說地

松風深護

御書堂

已巳駕幸四宜堂賜書松風水月四字

湖邊柴米俱

成嶺

有米堆山柴莊嶺

郊外雞豚亦滿莊

田莊有放生猪大如牛者

回首舊

遊如昨夢何時一宿贊公房

予與剖公爲方外交仁山其法子也

自石壁至萬峰臺望太湖

萬峰二月中梅花香世界環繞似圍屏飄揚若衣帶日

皆極蒼茫鼻觀通醜禍百里走舟車十方接冠蓋園林

良齋倦臺

卷六詩

變市曹村舍成官廨傾城士女來沿街酒肉賣作此熱

鬧場豈辱花神愛我行未免俗徵逐殊不快偶然循曲

徑別出烟霞外石壁立卓爾茅庵一僧在疎籬發野花

小鳥吟天籟地僻少埃塵茗柯助清話遙指萬峰臺竦

峙儼相對賈勇往從之繭足蹋礪硯歛忽升其顛果盡

羣山態太湖當眼前日夕生光怪三萬六千頃吞吐不

帶芥疑有水仙舟中流聞擊汰爾時看梅花丰姿倍瀟

灑如以白玉人濯魄冰壺內惜無顧虎頭圖此天然回

固須酒澆之適有舫船載萬象供獻酬浮杯入三昧行

樂貴及時醉倒應無害君醉且無歸尚欲還詩債

展故友彭雲客宋疇三二墓有感書示訪濂義存
憶昔少年場結客聯文社望衡對宇交最親小宋老彭
皆健者彈指光陰五十年同學故人半泉下玉遮山頭
宰木拱真珠塲中土花謝我來萬峰遊信宿君丙舍忽
聽山陽鄰笛聲西風老淚如泉瀉松楸蕭條宿草蕪歎
息佳人竟長夜去者故矣來者新兩家子弟比荀陳已
聞封誥題華表又見椎牛拜寢門魂魄有知應戀此
且喜前賢嗣後昆君不見潯陽墳泰玄墓東家高塚臥
麒麟西家荒丘竄狐兔人生難保三尺土萬歲千秋等
朝暮石棺玉匣空爾爲惟有達者知其故老子今年七
良齋倦橐

卷六

三

花屋

梅花十絕句

我訪梅花是偶然梅花見我亦流連相逢三日還相慰

難得晴明二月天

俗傳二月
爲神鬼天

千條萬縷一時新玉骨冰姿嬌上春我愛老梅枝最古
白頭花對白頭人

人間豈少杜蘭香不及梅精淺淡妝惟有影娥堪伴侶

深山夜夜舞霓裳

看花君子太芒芒空谷無人花自芳却笑桃根尚多事
漫將流水引漁郎

高臺曲榭自橫陳矮屋疎籬亦比鄰似得莊生齊物意
春風大地與同塵

羅浮庾嶺揚州閣標格終當遜萬峰爲有太湖三萬頃
冰心恰貯玉壺中

昔年乘興訪孤山一箇梅妻獨往還若使林逋來住此
美人應滿画屏間

櫻花紅綻杏花然素質亭亭間玉蘭何事東風連夜發
總教梅國作衙官

今年梅遲
諸花皆放

良齋儂臺

卷六 詩

四

朝元閣下壓瓊漿五瓣煎成五蘊湯聞說 官家需供

奉梅香定勝荔枝香

時製梅露進
御

三日真成爛熳遊歸來風雨打枝頭題詩報與梅知道
玉笛吹時人倚樓

續咏五首

山中芳樹幾條條老圃寒花也助嬌比似後房歌舞散
綠珠猶自伴紅綃

小園多綠萼紅梅

迷離雙樹小庭中冷淡宜爲野老供憑仗東風好留在
茶香殊勝酒杯濃

誰画梅花書屋圖青山烟景眼中無聞君寫照仍殊絕

何不花間添著吾

開石上人書贈
梅花書屋圖

學士梅香我豈堪詩窮只合作都官當年曾記琴三弄

此調今人多不彈

子少時曾譜
梅花三弄

疎香沐雨漸飄零折得殘枝歸膽餅從此妝臺罷點額
愁眉又上柳梢青

訪濂招飲花下和韻

南園不異小山幽一旦春光喧陌頭且作看花今日飲
寧辭秉燭古人遊開來決賭三千局醉去思眠十二樓
試聽枝枝好鳥喚早防天雨話綢繆

手桃花二首

艮齋倦臺

卷六 詩

五

惆悵春風短命花一宵淚雨委泥沙落紅滿地無人拾
總付天涯共水涯

漁舟何處訪仙源人面空思映小門誰唱王家新樂府

祇留桃葉與桃根

送心璧上人還廬山和韻二首

偶來樹下宿便向渡頭歸三尺青筇杖七斤緇布衣到
山梅子熟夾路柳花飛我亦投林去行行歌采薇
匡廬空入夢未共道林遊流水繞崑谷白雲滿寺樓胡
牀供坐臥詩卷紀春秋遲爾茅菴老棲山不厭幽

清明日偶憶前詩次韻

寒食清明節最佳幽居亦自占韶華一春風雨常啼鳥
滿院池塘盡落花隴上紙錢何處墓村中餽酪幾人家
那知老懶渾忘事枯坐寧聞白打譚

三月五日菜花盛開招彭宋諸子集揖青亭作盞
貳會和訪濂韻二首

幸在城南住年年看菜花弄晴常婀娜沐雨更天斜村
借殘紅映亭添嫩綠遮所欣農事美不獨玩春華
小園多雜樹偏愛此花黃偶共家山客閒消野圃香塵
談殊簡率草具劇荒涼修禊過三日猶餘曲水觴

九日雨中義存携樽再集限韻二首

良齋集

卷六 詩

六

無端花信急風雨故相催乍見提壺至還須著屐來蛙
聲吹斷壑鳥影掠空臺却對東君笑輸予第二回
正值三春社來游半畝塘水光浮鴨綠花色染鷺黃剝
復觀棋局乾坤入醉鄉不知日早暮賓主已相忘

十三日訪濂携樽再集限韻二首

今朝展上巳

唐文宗以三月十日為展上巳

春色正當窓座上樽千

石花間展一雙掉頭呼北斗開口吸西江更喜周郎至

同歌鐵板腔

礪品太史製新樂府

迭作三家主無如二簋佳得携學士酒勝喫太常齋地
僻堪招隱人閒自詠懷滿園多菜色恰好對吾儕

送周礪崑洗馬移家石公山二首

解紱初離三院中，浮家便過五湖東。
鹿門妻子相携在，栗里田園卽事同。
閉戶祇看榆莢雨，登高常聽鯉魚風。
多應讀得留侯傳，辟穀重尋黃石公。

正逢穀雨爲歸客，偶夢松風學隱居。
山中宰相采靈藥，洞裏丈人送素書。
家具平擔半烟月，官衙兼領共樵漁。
楊梅果爛村醪熟，消夏灣邊好待予。

花山紀遊戲成長句

朝聞布谷啼，告我春將暮。行樂當及時，盍往西山去。褰

裳葑水濱，蕩槳橫塘渡。筍輿上支硎，十里平蕪路。裙屐

良齋倦囊

卷六 詩

七

會如雲殿宇，香成霧神駿。不可求野鶴，歸何處。頗厭人

跡，囂轉惜山顏。汚竭來蓮花峰，天池之所注。長林漸幽

官，曲徑屢回互。但見新綠稠，莫能名其樹。泉聲活活鳴

飛流，疑瀑布。佛地旣莊嚴，僧家亦清素。偶參玉版禪，重

觀天書御。自求上人出御書見示欲登石秀屏，苦無濟勝具。昔

人此就隱。宋張漢卿居此號就隱山而我漫容與，日晚憺忘歸。天陰

且迴步，未及吹法螺。忽然雨法雨。行至法螺卷而雨作迅雷風復

烈，逐客一何遽。予行走兒郎，伶行趨婦孺。絃服蓋蓑衣，

錦鞋穿草屨。老夫半身濕，從者兩足仆。踉蹌返故舟，一

笑脫布袴。共歎行路難，未解遊山趣。山中雨固奇，雨中

山益露此時千尺雪奔濤同灑頰恨不携藜牀插向空
青住急呼酒澆之泥飲觴無數爛醉發長歌搔首驚人
句若畫走雨圖須尋虎頭顧

小園送春同彭宋余吳諸子筠士行中二上人

有序

賈浪仙詩三月正當三十日蓋是日春盡也今年三
月無三十日而廿九日春亦盡矣因改賈句引首演
作長律仍以春字結韻

三月竟無三十日春光小盡倍傷人楊枝嫋嫋猶如故
麥子青青將獻新人老何堪追歲月地偏且喜謝風塵
與君把酒城南陌喚取黃鸝共餞春

長齋倦彙

卷六

詩

八

立夏疊韻

三月之晦四月朔迎來送往兩頭人鳴鳩戴勝皆歸老
苦菜王瓜忽斬新我愛南薰初入座君看北海復揚塵
縱教殺盡東風景尚有壺中麴米春

送徐南沙京口訪舊

山川千古說南徐徐孺南州恰借居下榻便當京口酒
江頭豈患食無魚

題柳塘話別圖送練江上人

絕好春江送別圖木蘭船上一僧孤歸來應到長干寺
爲問天花再雨無

訪濂招集南酌草堂觀棋卽事和曼翁韻二首

客至一何早坐看日影遲落花依小草舞蝶逐游絲奪

采三杯酒攤錢一局棋詩成猶未寫洗墨向前池

幸接柴門近無嫌步履遲爛斑花織錦格磔鳥彈絲君

使雙頭筆吾尋兩脚棋倘能浮海去便醉手談池

日本
有手

談池出
玉棋子

虎丘舟中重送礪巖疊韻二首

自有溪山無此客爭看洗馬渡江東去官原與潯陽別

避世將毋盤谷同盧橘正堪消夏日蓴羹豈必待秋風

湖中蓴菜
此時已熟請君莫笑吳儂俗也有長堤住白公

良齋像臺

卷六詩

九

包山此日反招隱震澤何人續卜居雲洞閒行如入畫

草堂晏坐獨觀書南窓松子北窓竹東舍樵夫西舍漁

勝具被君都占盡祇餘好夢肯分予

同諸子坐悟石軒和筠公韻

送君南浦意拳拳小憩溪山慰老年世界祇應看悟石

人生何必畫凌烟輕風乍颺茶香細斜日旋移塔影圓

醉倚沙棠歸去晚北窓讓我枕書眠

四月四首

四月清和景翳如松風梅雨稱閒居園丁採得青青豆

厨子烹來白白魚飽後新嘗雀舌茗醉餘戲弄鼠鬚書

打殘瞌睡無他事夢覺何分栩與遽

琴棋文酒漫紛如彷彿當年六一居生世不諧空鹿鹿

從吾所好自魚魚欣逢鄰叟招閒話厭聽閤人索報書

閱盡史編都不解祇將殘夢問羲遽

莊子云伏羲
几遽之所行

自笑于人百不如幸辭陛楯且休居豈無門徑難芟草

雖有池塘懶釣魚愁裏良方三葉酒老來密友一牀書

爲予謹謝風塵客懷卷常思君子遽

尺羽高飛鳥不如白頭那得碧山居籌家大似空心竹

避客幾同縮項魚易寫顏公乞米帖難求王子買僮書

何時逃却追呼吏飽噉磨磨小麥遽

良齋休業

宋六詩

十

礪崑行後復次前韻寄懷二首

洞庭正在太湖中海水西邊江水東百里人情應小異

四時物產或相同安家恰值蠶桑日寄信全憑舫趁風

幾度相思難縮地移山端欲學愚公

問君高臥意何如可有閒人伴索居洗

音選

馬已歸休洗

馬中書雖老尚中書陶潛阮籍皆能飲屈子莊生總好

漁

離騷南華皆有漁父一篇

倘訊故人無恙否昏花兩眼眇愁予

獨坐四首

獨坐空齋太寂生浮雲不繫也關情何嘗解笑薔薇落

似欲言愁螻蝻鳴屏絕家緣閒擊聒拋殘書卷亂縱橫

閒擊聒亂縱
橫皆俗語

終朝飽食心無用更乞新茶手自烹

首夏將過半夏生閒人無意賦閒情逃形羞逐馬牛走
洗耳厭聽瓦釜鳴陌上黃鸝聲正好庭中綠樹影交橫
貧家肉食非容易拗折葫蘆當大烹

十二時中萬念生靜觀勘破古今情運高盡信金能躍
材短甘同雁不鳴世事占爻九六變人心猜謎兩三橫
比來讀史增長歎看到齊兒五鼎烹

願從龐老說無生安得空王覺有情何限年華消蝶化
幾多心事起雞鳴祇看白地波瀾濶欲問青天星斗橫
檢點生平堪一笑阿衡豈作易牙烹

良齋倦臺

卷六 詩

十一

予七十六歲四月初一日訪濂作南村詩四首見祝
依韻奉答

十載歸田住水南杖藜久已廢朝參無多酌我醪三斗
寧可酬君詩一函百歲過殘行漸懶五更轉罷睡猶酣
橘中棋叟閒無事早遣天邊青鳥探

人在西堂風自南時當散髮好投簪琴樽常伴文房四
花鳥新添益友三此日白頭窮措大他年黃面老瞿曇
香山洛社今存否置我其閒恐不堪

只合呼雞向水村底須騎馬上金門一枰慢慢催詩句
二簋常常下酒樽丹白祇應鍊離坎玄黃何苦戰乾坤

庭楹施厲我何有近解莊生齊物論

半依城郭半鄉村風雨多留屋漏痕繞樹愁聽鳩喚婦

子悼亡久矣護籬喜見竹生孫曾孫窮居不厭杯盤冷雅集

猶貪笑語温莫怪逢人不相識阮公白眼久昏昏

訪濂作簋貳口號走筆和之四首

或問吾何欲熊魚不可兼齋題艮卦象會合坎爻占五

味調和便三章約法嚴老慳諒如此未怕老饕嫌

舊俗惟烹菽高賢亦探蔬須知物有盡莫歎食無餘來

往風如昨周迴月又初但求新釀熟不放故人疎

時當春夏際地近水田邊陶罌黃虞古魚蝦芣芣偏玉

艮齋倦藁

卷六詩

三

塵茶芥細金彈枇杷圓雜俎何狼籍還叅一味禪

解衣看奕罷擊鉢待詩成一飯寧從儉三杯尚忌盈趙

人愁曾酒楚客愛吳羹楚詞和酸若苦陳吳羹些此後盤餐共新添

朋友鯖漢有君臣鯖父子鯖共爲之餐

送黃虛堂入大石山二首

青谿一道士獨住翠微中地僻塵埃絕天高呼吸通絃

歌文學里有子游祠香火法王宮更上磐陀坐人稱黃石公

陽山有大石空谷足音稀一老能扶杖千峰欲振衣仙

砮行奕去龍洞采芝歸何日同招隱孤雲向北飛陽山四飛

大石
在北

和訪濂五日草堂聽雨二首

久爍得陰雨草際螿蝦生南畝一時綠小鳥來催耕值
此天中節仲夏正朱明雖無九節蒲聊樂芳樽盈所願
黍苗足鼓腹歌昇平以爾水馬戲易我田車聲
結鄰有良友偕與真率會獨居亦復佳欣逢時雨沛古
人浴蘭湯世俗要盈艾且對好風徐差慰停雲靄仰仰
月令餘浮游塵盍外萬事等一吹翻覆何足慨

楊梅二首

五月楊梅萬顆珠堆盤飽噉紫琳腴比他盧橘生較晚
何事吳都賦獨無

良齋倦橐

卷六 詩

三

梅妃空鬪漢宮妝未及君家果姓楊當日玉奴若見此
紅塵寧想荔枝香

同筠上人坐水哉軒看雨二首

此日荒園裏真成喜雨亭無邊小草綠不意遠山青蓮
棹差堪泛秧歌漸可聽何須逃暑去相對御風冷

旱甚人交急水哉我獨私橫吹宜曠野切響近清池鳥
坐枝頭滑龍騎屋角危

龍過亭子折其一角

惜無尊酒賞觀化閱

枯棋

題張借亭餘杭看山圖

芒鞋日日西湖走不曾兌得餘杭酒青山祇向夢中看

誰知忽落高人手大滌逶迤連七峰仙人天柱應相逢
披圖笑問張公子可來提舉洞霄宮

送汪晉賢之桂林

四首

我所思兮在桂林桂枝重發小山吟美人一去桐川遠
欲寄相思湘水深

重華巡狩有虞山翠巘臨江松蘚斑見說使君行部去
韶音洞口聽歌還

詠懷古跡越王城天漢戈船此出征今日太平無一事
隱山閒看石棋枰

東坡迭長兩西湖此地西湖賽得無猶有石湖風月在

良齋倦橐

卷六

詩

好將詩句傲髯蘇

坡公守杭穎二州迭作西湖之長
范石湖帥桂林夜遊西湖風月溫麗

憂旱

天乎何忍厄我民五月不雨過五旬驕陽逞威火就燥
炎風日日惟揚塵江南之田異薊北桔槔岸水資人力
誰知澤竭河亦乾徧地塗泥盡開坼山田高高禾大無
水田雖低苗復枯男奔女走苦無策中夜叫天空嗚呼
嗚呼天災寔不小零壇高築勤祈禱不獨官吏爭趨踰
社公土母皆顛倒老夫久矣臥柴荆匍匐連宵起四更
極目蒼旻無點滴密雲但聽乾雷聲天心自緩人心急
萬口嗷嗷愁失食更兼酷暑金石焦民勞還恐生疾疫

當今 天子切惻瘵親遣 宗藩祀華山安得平施十
尺雨江南萬里慶豐年

南園歎

憶昨二三月南園迭賓主
菜花旣黃黃麥子亦楚楚
回顧桃柳皆發笑閒聽燕雀如解語
相携同里素心人簞
貳酒樽時共撫屈指春去夏復來
芒種以後徧禾黍此
時平疇綠已繁池內芙蓉紅漸吐
坐看布穀唱秧歌吾
儕一醉堪消暑誰知天道降菑殃
五月六月恒無雨大
田滌滌萎驕驕可憐一片成焦土
蓑笠高懸耒耜丟水
者無男饑無女吾問農夫何不踏爾車
答云君看河水

良齋倦憂

卷六 詩

五

乾如許只今瓜豆盡枯樵老農之病同老圃
或謂祈雨亦有方
雩壇夜夜趨官府靡神不舉人不周
瞻仰昊天未息怒嗟予竊抱杞人憂
感時哀物徒勞苦偶來揖青亭上望
荒蕪滿目飛沙鹵花爲濺淚鳥驚心
食不下咽觴寧舉因歎佳會不再得
否泰乘除難逆觀假使當年子美在
滄浪一曲將焉取吾聞此旱不獨南園
百畝間赤地千里無處所
西山方愁林木焚東湖又報舟船阻
豈惟閭閻空釜甑還恐 國家竭倉庾
竚望蠲租 恩詔來神媧煉石將天補

喜雨吟

六月廿三日

朝望出市霞暮望連天霓南山聞雷殷西郊睹雲密難

移日脚黃易散風頭黑

諺云烏頭風白頭雨

亢陽越五旬沉陰起

一昔乍看庭際飄漸聽簷前滴渾疑玉乳垂爭詫珍珠

的沾灑瓦礫滋滂沱餅壘溢遂旣我田疇爰蘇我黍稷

溝渠微有聲草萊生于色老農荷鋤來婦子披蓑出油

然更沛然轉盼苗興淳始見天地心非關禱祠力人猶

有所憾稍緩三時刻東家亦有田既種諒能殖西家亦

有田未播焉從獲小暑苗不秀大暑秀不實雖注萬斛

泉難翻一畝白我思造化鈞何故分休戚將母善惡殊

或者勤惰別吳儂暴天物五穀常狼籍積爾殺業深罹

良齋倦囊

卷六

六

此凶年厄終賴有昊仁悔禍降膏澤有雨良勝無得寸

敢求尺聊以浸苞蕭兼之絕蠹賊不惜耘耔勞惟愁征

輸迫尚冀官長賢入告 至尊側繪上雲漢圖 宸衷

動悽惻 詔捐租稅半小民幸足食自歎老書生救荒

苦無策庶幾歲有秋蔬水差堪適漫成喜雨吟商歌出

金石

六月廿六日陸上依携酒揖青亭喜雨拈平疇二

字和筠上人韻二首

朝來亭際望阡陌尚從衡綠樹雖含潤青苗未發英銜

杯澆硯礪祝歲話登平雨景還堪畫疎簾看奕枰

試向荒園飲何如京洛遊

上依方從京歸

三康初入伏一兩便

成秋河朔雖逃暑江南未散愁願同陶處士種豆滿田

疇

時官令課民種豆

又和

畏日思林樾憂天望玉衡田間叢白草池上落紅英好

兩從空下閒雲入暮平悠然同一醉身世付碁砑

卽事聊行野懷哉豈宴遊青山如睡夏白露早驚秋談

笑堪祛病壺觴足埽愁東陵今健在帶雨問瓜疇

筠公貽予石硯賦此酬之

我聞米海岳齋中貯硯山上有華蓋峰下有湯池泉下

良齋倦憂

卷六詩

七

洞三折通上洞翠巒窈窕連方壇相傳本是南唐物不

減青石之彈丸一朝誤落誰何手空將圖畫留人間豈

知神物待世出到今供奉御屏前予以佐之端谿子

紫袍玉帶

硯名

光熊然吾家西堂亦有硯斷甌半瓦噉酸

寒既無高文堪視草何須紅絲發紫烟但苦踰廢無人

屑含毫每歎筆頭乾道人忽貽一卷石云是新樣玉堂

鐫

玉堂新樣王荆公硯

其質不辨端與歛且喜賦理鋒芒堅注以

勺水果墨食似有活眼晶而圓好伴一牀翡翠管任揮

百幅琅玕箋老夫獲此頗快意歲旱幸勿荒其田不貴

異物賤用物寶晉敢學元章顛古稱龍尾及鳳足或詫

馬蹄與豬肝問價動索千金直祇取吸水常涓涓假使

日吸一擔水不過直得三文錢

宋人有此語
偶忘其名

生挽醉死歌戲贈洪丹霞

醒者生醉者死者憂愁死者喜醒者死醉者生死者
寂莫生者名人言醉不如醒死不如生吾謂世間醒漢
寧不死不如醉鄉日月過千齡君不見屈原獨醒竟自
沉陶潛獨飲還自祭劉伶荷鍤死便埋李白捉月江心
逝最可師司空圖引客生壙同歌呼却可惜劉玄石三
年重醒復何益何物丹霞乃能爾生願爲酒人死願爲
酒鬼人醉紅塵中鬼醉青山裏作鬼未已便作仙想來
良齋倦囊

卷六 詩

大

蓬瀛方丈不過樂如此問誰能拍洪崖肩點化更有韓

湘子

謂慕廬
學士

我雖力不勝杯杓見之浩浩落落笑不止

丹霞丹霞吾不愁爾醉愁爾醒不愁爾死愁爾生牀頭
餅馨何處買雞皮將老顧影驚空張渴吻吸北斗跳作

天邊一酒星

贈別賴晉公沈仲孚并寄懷魏和公

二子同居章貢水吳門極望三千里樓樓六月泛扁舟
却訪野人幽谷裏虎丘小住往西湖滿載詩囊興不孤
還家寄訊魏公子翠微山色今有無

雲間王印周許鶴沙兩先生舉耆英會招予詩以

辭之二首

可笑龍鍾一病翁不堪匍匐九峰中但需酒食殊無益
若索詩詞又未工丈席豈宜虛夜月扁舟何處借秋風
西園傳寫龍眠畫妙筆難圖亡是公

聞有画師寫照

人在香山洛社間鄙夫無分得追歡醉鄉未若貧而樂
臥榻惟圖老者安白髮祇將書供奉青山常與夢盤桓
諸君莫怪殺風景好事從來擬古難

八月十二日虎丘宴集有作

久謝遊船廢酒樽偶然隨例入山門玉簫檀板喧成市
白藕黃柑堆滿盆月影可能招素女天香何處問王孫
良齊休臺

卷六

詩
九

有感

秋到江南草木愁田家凶歲竟無秋苞稂不救窮民苦
雲漢空貽 聖主憂香逸 九閩誰叩叫蕭條萬戶費
誅求遙看粵蜀黔滇地有 詔蠲租滿耳謳

詔蠲廣西四川貴州雲南四省錢糧

自笑

不官不隱兩頭蠻無酒無肴一味酸炊夢黃梁餘幾斛
釣詩青竹有三竿燃眉救火急中急緣木求魚難上難
自笑貧家無長物空函日日寄長安

送開上人遊池州

池陽吾昔到一棹向江涯古寺多飛鳥前村有杏花棋
枰消歲月筆陣捲烟霞待爾歸來日囊中看九華

上人善畫

九日獨酌漫成

有序

潘邠老詩滿城風雨近重陽今風雨中重陽已過矣
然邠老一句爲催租人敗意而止今日適有紙皁隸
至而詩竟成阿戎云君輩意亦可敗耶

滿城風雨過重陽不去登高有草堂秋日情懷常兀兀
野田景色更荒荒吟殘蟋蟀霜將白酌盡葡萄菊未黃
任爾催科呼自急老夫詩興不相妨

長齋倦臺

卷六詩

二十

初十日同諸子集揖青亭次韻

登高今日補重陽有客來思滿野堂痛飲便教縮地小
高談直欲破天荒秋霖可歎雨無正歲饑尙愁草不黃
惟有圍碁閱世變任他勝敗總無妨

韓慕廬學士七月初六日誕辰今年苦熱自改在
九月十三日同人賀之予爲賦詩二首

韓子生辰前七夕今年改作小重陽不貪西苑秋瓜美
偏愛東籬野菊香歌管乍吹流火遠舞裳恰趁授衣涼
八仙慶壽從新始應獻蟠桃第一觴

白傳吾年五十七

學士年同

未當九月十三時秋聲蟋蟀方

居壁晚景萊萸尚滿枝乞巧已過牛女渡降神又見斗
奎移金風玉露人行樂紫蟹黃雞醉不辭

送故友宋疇三孝廉從祀文星閣

緬想當年宋子京西風宿草不勝情衆中意氣推坊表
身後文章重論衡堂構已成趨令子瓣香猶在拜諸生
虎丘相國祠相望驃騎何如第五名

題嚴偉齋花谿和韻二首

莫認將軍宅渾疑隱士家仙源通曲處不獨號桃花
音聲傳小部歌罷落梁塵門外中車滿應容顧曲人

送彭侍講還朝二首

良齋休棗

卷六 詩

五

三世通家兩姓親忘年密友作比鄰牆頭過酒追遊慣
篋裏緘詩唱和頻丘壑豈終藏羽翼雲霄正待出絲綸
不知騎馬聽雞日可憶南園白髮人

長安日近北辰居猶夢春明共直廬老子已辭角里杖
小兒還伴石渠書好將勳業扶堯舜賸有文章壓庾
徐獨向滄江垂釣去相思常望寄雙魚

詔蠲江南漕糧三分之一喜而有緘

歎息監門誰繪圖早聞恩賜尚方租九重獨照光
明燭萬里爭傳安樂符鞭撻且教休縣吏采薪聊可食
農夫堯湯水旱猶難免幸免春秋書大無

送筠上人移住壽寧草菴

纔從城北住又向市南居樹下無三宿塵中總六如門
多長者轍架有古人書却喜吾廬近閒來伴木魚

有友贈狐裘爲賊竊去戲作二首

曾聞子路共輕裘
肘篋胡然付小偷寄謝孟嘗門下客
楚亡楚得復何求

晏子狐裘三十年如予一日也無緣從今只戀黃綿襖

耐過隆冬便暖天

都人以日出爲黃綿襖子

復製羊裘漫成二首

狐偃今爲百里奚
牛衣恰配五羊皮蒙戎莫羨三公樂

良齋倦臺

卷六

詩

記取風人賦委蛇

奇温豈敢慕輕肥
聊學披裘立釣磯試聽籬間吹盛栗
荒年多少歎無衣

乳茶

茗汁從來喚酪奴而今遂與主人俱
新教陸羽三煎了得賽盧仝七碗無
貧士煖寒當醅醪老年養性藉醍醐
還思昔日朝班裏光祿籩人共挈壺

常朝日必賜乳茶

戲詠開門七件事

柴芻束條枚竈下火甕頭灰買臣樵去馮異炊來烹蘆
燃豆莢煑鶴爨琴材周子將刪堦草元郎常仰庭槐亂

後定焚香積寺急時欲拆栢梁臺

米食之需此春黃梁炊白水既飽老夫兼餽妻子真卿
帖易求公瑾困難指五斗何妨折腰萬鍾豈能沒齒留
侯未必辟而仙臣朔只愁饑欲死

油雲作水流潑寒具和珍羞滑添鬢髮光浸氈裘公子
張青幔將軍擁碧旒未見詩人能打祇尋博士相求朱
戶漫堆飲酒跋紙窓難續看書篝

鹽昔昔纖纖如雪白比霜嚴善調葷素解配酸甜味熬
山海國色映水晶簾千里尊羹須下一餅梅寔同醅爨
箬應消游子澹和盤聊殺老饕饒

良齋倦稟

卷六詩

三

醬水生土王小麥磨大鹽釀漉作油香晒成紅樣三餐
賴此君八物推爲將味和芍藥之中品在葫蘆以上蒟
樹誰携博望槎豆齏莫饋延年杖

醋細酸窮措鳴醉傳苦酒做梅子心同桃花名著一勺
微生高三斗崔弘度口嘗雖覺開胸鼻吸能無倒肚監
廚休放秀才驕入甕還防娘子妬

茶露液雲芽燕石鼎汲金沙一旗乍試七碗爭拏美人
飛玉乳仙子弄冰花飯後且圖澆腹睡餘或可爬牙借
問下官遭水厄何如爛醉麴生家

補咏二件

酒歡伯紅友釣詩釣埽愁帚仲尼百壺淳于一斗且典
馬卿裘或拊田家缶破除萬事無過斷送一生惟有陶
潛失此皺愁眉太白呼來開笑口

菜歲蕤蒂芥野老挑山童賣早韭晚菘綠葵白薤敢充
食憲章聊比書衣帶坡公玉糝殊佳學士冰蠶甚快肉
味渾忘我不知菜根咬斷君休怪

艮齋倦囊

卷六詩

十四

冬至

立冬無雨一冬晴

諺語

天暖還堪出手行

諺云一九二九
相叫不出手

廡下稀逢春水客溝中未聽鑿冰聲

朝廷有道方蠲

賦盜賊無知尚弄兵

四境多盜

但得加餐荒歲穀閉關坐待

一陽生

瑞蘭四章贈朱燦文

倚彼芳蘭當春則生經冬而隕至秋忽榮

春生曰蘭秋生曰蕙既春復秋伊誰之類

人言是瑞賀者盈門比之仙草可以返魂

主人微笑豈惟仙草我有靈藥長生不老

朱君善醫

題宋中丞小像 二首

綿水烟波一曲筠廊修竹千竿携取廬山面目寫成吳苑衣冠

抱膝祇吟梅雪掉頭嘗聽松風勾當江南公事清香書戰之中

除夕寫懷六十韻

對酒自當歌聞歌喚奈何檢書青眼短看鏡白鬚多不作秋風客惟逢春夢婆生涯窮措大行徑老頭陀家事攢眉下光陰彈指過風霜愁燉煉花月病銷磨孤鳥悲枯木鰥魚惜逝波悼亡虛院落思舊邈山河田舍驅雞

良齋倦橐

卷六 詩

五

犬京華走馬騾送將歸已已行不得哥哥世故紛叢棘天時復薦瘡前程萍捲浪大道艾張羅卒歲無衣褐荒年少麥禾流民填巷陌劫盜起江沱 詔令蠲租美官符催斂苛文場空口舌仕路尚干戈鬪穴相持鷓燒燈自撲蛾長安猶索米下里正鳴珂白屋紅油幕黃金紫橐駝衆人爭跳躍老子獨婆娑敢望忘憂館聊尋安樂窩買山招隱遯立壁學禪那黑白棋分局丹黃書滿窠食貧資嘯咏養疾待消磨設席邀窮鬼登牀伴睡魔問天同夢夢對客只呵呵閉目隨師曠忘言謝祝鮀傲裘啗季子善飯羨廉頗二盞腸堪飽三杯面亦酡有時照

影笑終日側弁哦乞画圖蒼狗備書博白鷺鼓琴教蔡
琰說劍弔荆軻五畝王官谷一拳彈子渦丈人常抱甕
漁父偶披蓑遣婢丸丹藥留僧試茗柯居家惟樂此閉
戶莫知他春鳥啼郊墅梅花放澗阿會拖鶴膝杖暫脫
鹿皮靴坐具依蘭若肩輿繞薜蘿太湖觀縹緲小塢步
透迤牧犢聽吹笛樵蘇唱踏莎忘歸游子愴獨寐碩人
邁勝境難停轍流年易擲梭紅塵何袞袞黃髮已番番
土物方迎蜡鄉人又逐儺桃符施画虎爆竹響鳴鼉餽
節無鮮菜祠神有酒犧匆忙煨榾柮冷澹點冰荷瓦竈
蒸黃米椒盤堆紫茄洗頭呼便了搔背憶仙娥兒子傳

艮齋倦橐

卷六

五

書鯉童孫弄墨螺不眠談娓娓既醉舞傚傚子曰如何
者佛言是甚麼無聊謳款乃自在念摩訶莫把三尸罵
誰將五木接辭冬拋舊曆謝客託新痾人怪嵇康懶吾
思柳下和逍遙追北海游戲擬東坡此日耆英會他生
童子公司明朝添一歲將壽補蹉跎

詞

六首

賀生子集曲名 卜算子

新報錦堂春生下風流子直似娘兒粉面紅更勝如花
美 薄媚賺君歡調笑令人喜快活三朝看洗兒顆顆
珠掌裏

菜花曲二首 鬧春妝

桃能紅李能白菜花又鬪黃黃色算來野菜幾千般似
此花香難得 黃頭郎黃衫客妃子黃裙助妝飾憑他
佛地與燕臺難買南園香國

菊花清柳花淡菜花何物香而艷暮春三月大田邊管
取芬芳獨占 鶯兒搓鶯兒染狂蜂浪蝶爭窺探勸君

沽酒賞花時莫待打油歌念

菜花結子
則打油矣

枇杷 念奴嬌

江南梅子黃時偏如殺枇杷一色生怕酸心眉欲皺添
得幾分崖蜜涼沁肝脾香含齒頰暗裏瓊漿滴王孫歸

艮齋倦橐

卷六 詩

五

去金丸滿地狼籍 誰向青草湖邊白沙堤畔封裹遺

三百漫桃已過楊梅早此物雅宜專席消渴茶餘解醒

酒後我欲懷其核因君夢想美人萬里橋側

唐詩萬里
橋邊薛校

書枇杷花
下開門居

午日大雨 河傳

競渡霖雨蕩舟嬉喧天鼓鼙爭馳羣龍鬪酣挾怒飛靈
風捲畫旗 盍往觀乎紛士女泥滑路革踏愁歸去望

中洲泣楚囚誰留江邊縣陣頭

戲咏貓食盆 聒龍謠

竹窓學士貽予新詞有咏宋宮中汝窰貓食盆不覺

失笑爾時物之至賤者今乃與鼎彝同價好古之癖
類如斯矣戲次其韻用博絕倒按詞譜無聒龍謠或
學士自度曲也

可笑徽欽宮車北狩戀不忘貓飯故國飄零荆汝窰
一盞當年伴書畫宣和儘受用魚羹甑片又誰知五國
城邊錯教官娥喚 到今日貴人家向小閣傳看千緡
爭換携來值得盛金釐玉饌好收藏博古圖中直匹配
周黠漢篆怎不尋上蔡狗柳平津豬圈

良齋倦橐

卷六 詩

天

05326

